

四庫全書薈要·乾隆御覽本

經部

欽定四庫全書薈要

經部
左傳注疏卷十三

詳校官原任侍講臣王燕緒



春秋左傳注疏卷十三

起僖公十五年
盡二十一年

晉杜氏注 唐陸德明音義 孔穎達疏

經十有五年春王正月公如齊注無傳諸侯五年再相

朝也例在文十五年疏

正義曰文十五年曹伯來朝
傳曰禮也諸侯五年再相朝

以僖王命古之制也杜云十一年曹伯來朝雖至此乃
來亦五年也此十年公如齊至此則六年非五年再朝
之事杜引之者以去朝歲亦五年故引證之劉炫
云杜云禮者謂文十五年傳為禮此非為禮也

楚人伐徐

三月公會齊侯宋公陳侯衛侯鄭伯許男曹伯盟于牡

丘注牡丘地名闕音義

牡茂后反

遂次于匡注匡衛地在陳

留長垣縣西南公孫敖帥師及諸侯之大夫救徐注公

孫敖慶父之子諸侯既盟次匡皆遣大夫將兵救徐故

不復具列國別也音義

復扶又反

夏五月日有食之

秋七月齊師曹師伐厲注厲楚與國義陽隨縣北有厲

鄉

八月螽注無傳為災音義

螽音終本亦作螻

九月公至自會注無傳

季姬歸于鄆注無傳來寧不書此書者以明中絕音義

中丁仲反

又如字

己卯晦震夷伯之廟注夷伯魯大夫展氏之祖父夷謚

伯字震者雷電擊之大夫既卒書字音義

晦音

疏

正義曰公

羊穀梁傳皆以晦為冥謂晝日闇冥也杜以長歷推己卯晦九月三十日春秋值朔書朔值晦書晦無義例也傳稱於是展氏有隱慝焉知此夷伯展氏之祖父也大夫之謚多連字稱之不知夷伯其名為何又不知今之

展氏其人是誰故漫言祖父耳。誼法安人好靜曰夷是夷為誼也。伯是其字也。說文云：震，霹靂振物者。電，陰陽激曜也。然則震是霹靂而言雷電擊之者，霹靂有聲，有光，雷電之大者耳。故言雷電以明之。玉藻云：士於君所言大夫沒矣，則稱誼若字。是大夫既沒，禮書其字也。

冬宋人伐曹

楚人敗徐于婁林。注：婁林，徐地下。邳，僮縣東南，有婁亭。

音義

婁，力侯反。邳，滿悲反。

十有一月壬戌，晉侯及秦伯戰于韓，獲晉侯。注：例得大

夫曰獲，晉侯背施無親，愎諫違卜，故貶絕下從衆臣之。

例而不言以歸不書敗績晉師不大崩音義

懷皮疏正
通反義

曰諸侯與大夫因戰而被殺者昭二十三年傳例君死曰滅大夫死曰獲其被囚虜者大夫生死同名皆稱爲獲國君生獲則曰以歸蔡侯獻舞沈子嘉胡子豹之類皆是也今此晉侯生獲故解之不書敗績晉侯之車還渾而被執耳其師不大崩也

傳十五年春楚人伐徐徐即諸夏故也三月盟于牡

丘尋葵丘之盟且救徐也注葵丘盟在九年音義夏戶

雅反下
注同

孟穆伯帥師及諸侯之師救徐諸侯次于匡

以待之○夏五月日有食之不書朔與日官失之也

疏

正義曰桓十七年已有例此重發者沈氏云彼直不書日今朔日皆不書故重發之

○秋伐

厲以救徐也○晉侯之入也秦穆姬厲賈君焉注晉

侯入在九年穆姬申生姊秦穆夫人賈君晉獻公次

妃賈女也音義

屬音炳

疏

正義曰莊二十八年傳曰晉獻公娶于賈無子烝於齊姜

生秦穆夫人及大子申生先言穆姬後言申生知是申生姊也言娶于賈則是正妃杜言次妃者蓋杜別

有所見也晉世家云申生母齊桓女也同母女弟為秦穆夫人夷吾母重耳母女弟也按傳申生之母本

是武公之妾武公末年齊桓始立不得為齊桓女也孰射惠公之舅狐偃文公之舅二母不得為姊妹也

皆馬遷之妾也

且曰盡納羣公子注羣公子晉武獻之族宣

二年傳曰驪姬之亂詛無畜羣公子音義

祖註據反

晉侯

烝于賈君又不納羣公子是以穆姬怨之晉侯許賂

中大夫注中大夫國內執政里平等音義

承孫之反

疏正義

曰晉語稱夷吾謂秦公子替曰中大夫里克與我矣吾命之以汾陽之田百萬平鄭與我矣吾命之以負

葵之田七十萬此外猶應更有賂也

既而皆背之賂秦伯以河外列城

五東盡虢略南及華山內及解梁城既不與注河

外河南也東盡虢略從河南而東盡虢界也解梁城

今河南解縣也華山在弘農華陰縣西南音義

解音雙注

及下注同疏正義曰河自龍門而南至華陰而東晉在西

略號之境界也獻公滅虢而有之今許以賂秦列城

五者自華山而東盡虢之東界其間有五城也傳稱

許君焦瑕蓋是其二其餘三城不可知也列城猶列

國言其城之大者解梁城則在河北非此河外五城

之數

也晉饑秦輸之粟注在十三年秦饑晉閉之糴注

在十四年故秦伯伐晉卜徒父筮之吉注徒父秦之

掌龜卜者卜人而用筮不能通三易之占故據其所

見雜占而言之疏

正義曰徒父以卜冠名知是掌龜卜者卜人當卜而今則筮如其本

非所掌不能通三易之占其卦遇蠱不引易文是據其所見雜占而言之劉炫云秦成十六年筮卦遇復

云南國蹇射其元王中厥目亦是雜占則筮法亦用
雜占不必皆取易辭而云不能通三易之占者今刪
定以為此云涉河侯車敗又云千乘三去獲其確執
了无周易片意又云卜徒父筮之是卜人掌筮故杜
云不能通三易而成十六年非卜人為筮且南國蹇
雖非易辭還是周易之象不與此同劉君以彼難此
而規杜
過非也

涉河侯車敗詰之注秦伯之軍涉河則晉侯
車敗也秦伯不解謂敗在已故詰之音義

詰起
吉反
疏正
義

曰如杜此意則下千乘三去謂晉侯之乘車三度敗
壞而去三去之後而獲晉君也劉炫以為侯者五等
總名國君大號以涉河侯車敗為秦伯車敗又云韓
戰之前秦晉未有交兵何得言晉侯車有三敗以為
秦伯車三敗也今刪定知不然者以秦是伯爵晉實
是侯爵既云侯車敗故知是晉侯車敗秦伯乍聞車

敗謂敗在己不達其旨故致詰問也又以韓戰之前秦晉未有交兵何得言晉侯車有三敗者此謂車有敗壞非兵敗也劉君數生異見以規杜非也

對曰乃大吉也三敗必獲晉

君其卦遇蠱



注

巽下艮上蠱音義

蠱音古

疏

正義曰艮

剛巽柔剛上而柔下巽順艮止既順而止無所爭競可以有事故曰蠱序卦曰蠱者事也

曰千乘

三去三去之餘獲其雄狐夫狐蠱必其君也注於周

易利涉大川往有事也亦秦勝晉之卦也今此所言

蓋卜筮書雜辭以狐蠱為君其義欲以喻晉惠公其

象未聞音義

乘繩證反去起居反又起據反一音起呂反下同

疏

正義曰筮者若取周

易則其事可推此不引易意不可知故杜舍此傳文
而以周易言之蠱卦象云利涉大川往有事也秦晉
隔河往而有事亦是秦勝晉之卦也今此所言不出
於易蓋卜筮之書別有雜辭此雜辭不出周易無可
據而推求故

蠱之貞風也其悔山也注內卦為貞外

卦為悔巽為風秦象艮為山晉象

疏

正義曰筮之畫卦從下而始故

以下為內上為外此言貞風悔山知內為貞外為悔
洪範論筮云曰貞曰悔是筮之二體有貞悔之名也
貞正也筮者先為下體而以上卦重之是內為正也
乾之上九稱亢龍有悔從下而上物極則悔是外為
悔也凡筮者先為其內後為其外內卦為

己身外卦為他人故巽為秦象艮為晉象

歲云秋矣
我落其實而取其材所以克也注周九月夏之七月

孟秋也艮為山山有木今歲已秋風吹落山木之實

則材為人所取實落材亡不敗何待三敗及韓注晉

侯車三壞疏

正義曰謂晉之車乘三度與秦戰而敗壞者成上侯車敗之文故也且晉之車總屬晉侯亦得云晉侯車也劉炫云此一句是史家序事充卜人之語言秦伯之車三經敗壞乃至於韓而晉始懼

晉侯謂慶鄭曰寇深矣若

之何對曰君實深之可若何公曰不孫卜右慶鄭吉

弗使注惡其不孫不以為車右此夷吾之多忌音義

孫音遜注同

惡鳥路反

步揚御戎家僕徒為右注步揚卻犂之

父乘小駟鄭入也注鄭所獻馬名小駟音義知音慶

鄭曰古者大事必乘其產生其水土而知其人心安

其教訓而服習其道唯所納之無不如志今乘異產

以從戎事及懼而變將與人易注變易人意亂氣狡

憤陰血周作張脉憤興外彊中乾注狡戾也憤動也

氣狡憤於外則血脉必周身而作隨氣張動外雖有

彊形而內實乾竭音義狡古卯反憤扶粉反張中亮反注同脉音麥憤方問反

疏正義曰言馬之亂氣狡戾而憤滿陰血偏身而動作張脉動起外雖有彊形內實乾竭外為陽內為

陰血在膚內故攝陰血血既動作脉必張起故言張脉也氣憤於外內必乾燥內血為力故內潤則彊內乾則弱言乾竭者竭也內乾則力盡

進退不可周旋不能君必悔之

弗聽九月晉侯逆秦師使韓簡視師注韓簡晉大夫韓萬之孫復曰師少於我鬪士倍我公曰何故對曰出因其資注謂奔梁求秦入用其寵注為秦所納饑食其粟三施而無報是以來也今又擊之我怠秦奮倍猶未也公曰一夫不可狃况國乎注狃狃也言辟

秦則使快來音義

施武氏反年末注同狃女九反快時世反又時設反

遂使請

戰曰寡人不佞能合其衆而不能離也君若不還無
所逃命秦伯使公孫枝對曰君之未入寡人懼之入
而未定列猶吾憂也注列位也苟列定矣敢不承命
韓簡退曰吾幸而得囚注得囚為幸言必敗壬戌戰

于韓原注九月十三日疏

正義曰以經書十一月壬戌恐與經壬戌相亂故顯

言之下注云十一月壬戌十四日是也

晉戎馬還濘而止注濘泥也還

便旋也小駟不調故隋泥中音義

濘乃定反隋大果反

公號慶

鄭慶鄭曰復誅違卜注復戾也音義

號戶刀反王戶報反

固敗

是求又何逃焉遂去之梁由靡御韓簡號射為右輅

秦伯將止之注輅迎也止獲也音義

輅五嫁反

鄭以救公

誤之遂失秦伯秦獲晉侯以歸注經書十一月壬戌

十四日經從赴晉大夫反首拔舍從之注反首亂頭

髮下垂也拔草舍止壞形毀服音義

拔滿末反注皆同

秦伯

使辭焉曰二三子何其感也寡人之從君而西也亦

晉之妖夢是踐豈敢以至注狐突不寐而與神言故

謂之妖夢申生言帝許罰有罪今將晉君而西以厭

息此語踐厭也音義

厭於丹反一音於甲反又於輒反下同

晉大夫三

拜稽首曰君履后土而戴皇天皇天后土實聞君之

言羣臣敢在下風穆姬聞晉侯將至以天子瑩弘與

女簡璧登臺而履薪焉注瑩康公名弘其母弟也簡

璧瑩弘姊妹古之宮閉者皆居之臺以抗絕之穆姬

欲自罪故登臺而荐之以薪左右上下者皆履柴乃

得通音義

瑩於耕反履如字徐本作屨九具反抗苦浪反荐在薦反上時掌反

疏

正義曰文

十八年春伯瑩卒即此康公也瑩弘連文即言與女簡璧知弘是瑩弟簡璧是其姊妹也劉向列女傳說

此事云與太子瑩公子弘與女簡璧亦以簡璧為女也此言登臺履薪是自囚之事哀八年傳稱邾子又無道吳子因諸樓臺梅之以棘以此二文知古之宮閨者皆居之於臺以抗絕之俗本作履者履是在足之服故踐者亦稱履是

以撰禹定本作履薪

使以免服衰經逆且告注免

衰經遭喪之服令行人服此服迎秦伯且告將以恥

辱自殺音義

免音問又作纒音同衰七雷反經大結反今力呈反下同

疏

正義曰初死則

有免服成則衰經皆為遭喪之服傳文於此或有曰上天降災使我兩君相見不以玉帛而以興戎若晉君朝以入則婢子夕以死夕以入則朝以死唯君義之左傳本無此言後人妄增之耳何以知其然二十二年傳曰寡君之使婢子侍執巾櫛杜云婢子婦人之卑稱若此有婢子不當食此而注彼也又此注云

且告夫人將以恥辱自殺若有此辭不煩彼注服虔
解證其文甚煩傳本若有此文服虔必應多解何由
四十餘字不解一言亦至二十二年始
解婢子明是本無之也今定本亦無

曰上天降災

使我兩君匪以玉帛相見而以興戎若晉君朝以入
則婢子夕以死夕以入則朝以死唯君裁之乃舍諸
靈臺注在京兆鄠縣周之故臺亦所以杜絕令不得

通外內音義

郭音戶自曰上天降災此凡四十七字
檢古本皆無尋杜注亦不得有有是後

人加也大夫請以入公曰獲晉侯以厚歸也既而喪歸

焉用之注若將晉侯入則夫人或自殺音義

焉於
度反大

夫其何有焉注何有猶何得且晉人感憂以重我注
謂反首拔舍天地以要我不圖晉憂重其怒也我食

吾言背天地也注食消也音義

要於選反重
直用反下同

重怒難

任背天不祥必歸晉君注任當也音義

任音壬注
及下同

公

子縶曰不如殺之無聚慝焉注公子縶秦大夫恐夷

吾歸復相聚為惡音義

縶張執反又丁立反慝
他得反後同復扶又反

子縶

曰歸之而質其大子必得大成晉未可滅而殺其君

祇以成惡注祇適也音義

質音置下注質
泰同祇音支

且史佚有

言曰無始禍注史佚周武王時太史名佚音義

佚音逸犬

音本無怙亂注恃人亂為已利音義

怙音戶

無重怒重怒

難任陵人不祥乃許晉平晉侯使卻乞告瑕呂飴甥

且召之注卻乞晉大夫也瑕呂飴甥即呂甥也蓋姓

瑕呂名飴甥字子金晉侯聞秦將許之平故告呂甥

召使迎已音義

怡音

子金教之言曰朝國人而以君

命賞注恐國人不從故先賞之於朝且告之曰孤雖

歸辱社稷矣其卜貳圉也注貳代也圉惠公太子懷

公衆皆哭泣哀君不還國晉於是乎作爰田注分公

田之稅應入公者爰之於所賞之衆音義

爰于元反疏正義

曰服虔孔晃皆云爰易也賞衆以田易其疆呼杜言爰之於所賞之衆則亦以爰為易謂舊入公者乃成

易與所賞之衆

呂甥曰君亡之不恤而羣臣是憂惠之至也

將若君何衆曰何為而可對曰征繕以輔孺子注征

賦也繕治也孺子太子圉音義

孺如喻反

諸侯聞之喪君

有君羣臣輯睦甲兵益多好我者勸惡我者懼庶有

益乎衆說晉於是乎作州兵注五黨為州州二千五

百家也因此又使州長各繕甲兵音義

喪息兼反後同新音集又

七入反好呼報反惡烏路反

疏

正義曰周禮鄰大夫以歲時登其夫家之

衆寡辨其可任者州長則否今以州長管人既少皆容易精故使州長治之

初晉獻公筮

嫁伯姬於秦遇歸妹



注兌下震上歸妹之睽



注兌下離上睽歸妹上六變而為睽音義

睽苦圭反徐音

圭

疏

正義曰兌下震上為歸妹震為長男兌為少女兌說也震動也少陰而承長陽說以動是歸妹

之象婦人謂嫁為歸故名此卦為歸妹兌下離上為睽兌為津離為大火動而上津動而下乖離之象故

名此卦為睽睽乖也

史蘇占之曰不吉注史蘇晉卜筮之史疏

正義曰易歸妹上六爻辭女承筐無實士刲羊無血無攸利此引彼文而以血為益實為既唯創其句改兩字而加二亦耳其意亦不異也二句以外皆史蘇自行卦意而為之辭非易文也易之爻辭亦名為辭故云其辭曰刲刺也既賜也刺所以求血士刲羊亦無血筐所以承賜女承筐亦無賜皆所求無獲是不吉之象西方鄰國有責讓之言不可報償也嫁妹者欲其與夫和親而其爻變為睽歸妹之值睽爻既嫁而更乖張猶如無助者也言夫不助妻故乖離也震變為離離運變為震震為雷離為火震變為離是雷變為火以其為雷為火此贏敗姬言春將敗晉也震為車上六爻在震體則無其應是為車則脫其輹離為火上九爻在離體則失其位是為火則焚其旗車敗旗焚是不利於行師若其行師敗於宗族之丘邑也以其變為睽卦復就睽卦求之睽卦則上九孤絕失位是乖離而孤獨也孤獨無助還寇難則張之孤

孤弓也遇寇張弓怖懼警備亦是不吉之象姪其從姑言凡子其當從至姑家與同處也在姑家六年其將遭亡逃歸其本國而棄遺其家室言將棄妻而獨歸也歸家之明年其將死於高梁之虛筮嫁女而得此卦是不吉之象

其繇曰士剗羊亦無益也女承筐亦無貺

也汪周易歸妹上六爻辭也益血也貺賜也剗羊士

之功承筐女之職上六無應所求不獲故下剗無血

上承無實不吉之象也離為中女震為長男故稱士

女音義

錄直又反剗苦圭反剗割也益音荒筐曲方反既音况本亦作况况應應對之應下無應同

中丁疏亦猶女女亦猶男其意同也易言血而此言

蓋知蓋是血也。既賜釋詁文剗剗也。厨宰男子之事。故剗羊士之功也。筮蓋婦人所掌。故承筮女之職也。上爻與三其位相值。一陰一陽。乃為相應。上三俱是陰。爻是為無應。動而無人應之。所求無獲。故下剗無血。上承無實。是不吉之象。上爻變。則是震為離。離為中女。故稱女承筮。震為長男。男稱士。故為士剗羊。王弼以兌為羊。羊謂三也。上六處卦之窮。仰無所承。下又無應。為女而上承。則虛筮。而莫之與。為士而下命。則剗羊。而無血。不應所命也。言士發命。而莫之應。女承筮。而莫之與。是不吉之象。服虔以離為戈兵。兌為羊。震變為離。是用兵剗羊之象也。三至五有坎象。坎為血。血在羊上。故剗無血也。震為竹。竹為筮。震變為離。離為火。火動而上。其施不下。故筮無實也。此士剗羊。女承筮。是歸妹上六爻辭。直據上六之一爻。故杜云。上六無應。所求不獲。故下剗無血。上承無實。與王弼同。則不須變為離卦。自有士女之義。今杜云離。

為中女便是據變之後始有女承筐之象既為離卦則上九有應所以與易說卦不同者但易之所論當卦為義此既用筮法震變為離故以離震雜說其理與易不同故服虔亦稱離為戈兵用變為說也西

鄰責言不可償也注將嫁女於西而遇不吉之卦故

知有責讓之言不可報償音義

責側介反又如字
償市亮反又音常

疏

正義曰如杜此言直以遇卦不吉則知言不可償不知其象何所出也服虔以為三至五為坎坎為月月生西方故為西鄰坎為水兌為澤澤聚水故坎責之澤澤償水則竭故責言不可償此取象甚迂杜言虛而不經謂歸妹之睽猶無相也注歸妹女嫁之卦睽此類也

乖離之象故曰無相助也音義

相息亮
反注同

疏

正義曰
杜意嫁

女而遇睽離之爻即是無相助也。不知其象所出，睽皮云兌為金，離為火，金火相遇而相害，故無助也。

震之離亦離之震注二卦變而氣相通疏

正義曰為震與離通

也。震既與離通，則離亦與震通。言此二卦相通者，為下張本震為雷，雷是動，離為火，震之離是動來通火。離之震是火往適動，欲明火之動熾之意。為雷為火為羸敗，姬注羸秦姓。

姬晉姓震為雷，離為火，火動熾而害其母，女嫁反害。

其家之象故曰為羸敗，姬音義

羸音盈

疏

正義曰震為雷，離為火，況

卦文，睽皮云離為日，為火，秦羸姓，水位。三至五有坎象，水勝火，故為羸敗。姬

車說其輶火

焚其旗，不利行師，敗于宗丘。注輶車下縛也，丘猶邑。

也震為車離為火上六爻在震則無應故車脫輹在
離則失位故火焚旗言皆失車火之用也車敗旗焚
故不利行師火還害母故敗不出國近在宗邑音義

說吐活反注同輹音福又音服案車旁著音福老
子所云三十輻共一轂是也車旁著音服是車下

伏兔縛如字

疏

正義曰子夏易傳云輹車下伏兔也
今人謂之車履形如伏兔以繩縛於

又扶臥反

軸因名縛也土之高者曰丘眾之所聚為邑故丘猶
邑也晉語震為車也說卦離為火上爻在震則無應
故車脫輹三亦陰爻是無應也在離則失位故火焚
其旗初三五奇為陽位二四上偶為陰位在離則變
為陽而居陰位是失位也師行必乘車而建旗車敗
旗焚故不利行師也火還害母故敗不出國近在宗

邑也服虔云五至三有坎為水象震為車車得水而
脫其輓也震為龍龍為諸侯旗離之震故火焚其旗
也震東方木兌西方金木遇金必
改歸有先君之宗廟故曰宗丘
歸妹睽孤寇張之

孤注此睽上九爻辭也處睽之極故曰睽孤失位孤

絕故遇寇難而有弓矢之警皆不吉之象音義

難乃旦反

警音疏正義曰睽卦上九云上九睽孤見豕負塗載

景兩則吉彼文甚多此略取之先張之孤謂見寇而張
弓故曰遇寇難而有弓矢之警皆不吉之象服虔云

坎為寇為弓故
姪其從姑注震為木離為火火從木
曰寇張之張

生離為震妹於火為姑謂我姪者我謂之姑謂子園

質秦音義

姪待姑反字
林犬一反

疏

正義曰釋親云父之姊妹
為姑女子謂弟弟之子為

姪是謂我姪
者我謂之姑

六年其逋逃歸其國而棄其家注逋亡

也家謂子圉婦懷嬴音義

逋補
吾反

疏

正義曰桓十八年
傳曰女有家男有

室室家通言耳夫謂妻為家棄其家謂棄其妻故為
懷嬴也子圉以十七年質于秦二十二年逃歸是六

年乃
道也

明年其死于高梁之虛注惠公死之明年文公

入殺懷公于高梁高梁晉地在平陽楊縣西南凡筮

者用周易則其象可推非此而往則臨時占者或取

於象或取於氣或取於時日王相以成其占若盡附

會以爻象則構虛而不經故略言其歸趣他皆倣此

音義

虛去魚反王于况反相息亮反構本又作講各依字讀

疏

正義曰圍以二十二年歸二十

三年惠公死二十四年二月殺懷公于高梁是為惠公死之明年也此筮之意言六年適明年死則是逃歸之明年而云惠公死之明年者以二月即死據夏正言之猶是逃歸之明年也但周正己改故以惠公證之耳春秋筮事既多此占最少其象故杜因而明之云用周易則其象可推非周易則不可得知本意所取不在周易若盡皆附會爻象以求其事則象非其類事非其實全構虛而不經故略言歸趣而已不能盡得其象也陰陽書以為春則為木王火相土死金囚水休時日王相謂此也

及惠公在

秦曰先君若從史蘇之占吾不及此夫韓簡侍曰龜

象也筮數也物生而後有象象而後有滋滋而後有
數先君之敗德及可數乎史蘇是占勿從何益注言
龜以象示筮以數告象數相因而生然後有占占所
以知吉凶不能變吉凶故先君敗德非筮數所生雖

復不從史蘇不能益禍音義

夫音扶先君之敗德及絕句可數乎一讀及可

數乎數色主反復扶又反**疏**正義曰卜之用龜灼以出兆是龜以探以為卦是筮以陰陽著策之數而告人也凡是動植飛走之物物既生訖而後有其形象既為形象而後滋多滋多而後始有頭數其意言龜以象而示人筮以數而告人惠公之意以先君若從史蘇之占不

嫁伯姬於秦已使不及此禍尤先君不從卜筮也韓簡之意以為惠公及禍自由先君獻公廢適立庶之敗德不由卜筮故云先君之敗德既定致公今及此禍可由筮數始生之乎敗德有其象數筮龜從後而知因嫁女於秦見於著兆故云史蘇是占縱使當時不從何能加益此禍明禍敗既定龜筮知之從之不能損不從不能益也注正義曰謂象生而後有數是數因象而生也若易之卦象則因數而生故先探著而後得卦是象從數生也上云龜象筮數下直言數不言象者上總論卜筮故龜筮並言當時唯筮伯姬故下直

舉數耳 詩曰下民之孽匪降自天傳沓背憎職競由

人注詩小雅言民之有邪惡非天所降傳沓面語背相憎疾皆人競所主作因以諷諫惠公有以召此禍

也音義

準魚列反傳尊本反吝徒
合反邪似差反諷方鳳反

疏

正義曰詩小雅
十月之交篇也

下民之有邪惡妖尊非是下自上天今小人傳傳吝
吝相對譁語背則相憎主於競逐為惡者由人耳因

以擬揀惠公言
善惡由公耳

○震夷伯之廟罪之也於是展氏有

隱隱焉注隱惡非法所得尊貴罪所不加是以聖人

因天地之變自然之妖以感動之知達之主則識先

聖之情以自厲中下之主亦信妖祥以不妄神道助

教惟此為深音義

知音

疏

正義曰隱訓惡也隱蔽之
惡不見於外非法令所得

繩也其人尊貴非刑罰所能加也忽有震破其廟乃
是幽冥加罪聖人因天地之變自然之妖故章其事

以感動戮行之人使自懲肅也知違之主則識先聖之情知此欲以懼惡人也中下之主亦信此妖祥之事謂身為惡行神必加禍以此不妄動作易稱聖人以神道設教故云神道助教唯此事為深因此遂況解春秋諸有妖祥

○冬宋人伐曹討舊怨也注莊十

之事皆為此也

四年曹與諸侯伐宋○楚敗徐于婁林徐恃救也注

恃齊救○十月晉陰飴甥會秦伯盟于王城注陰飴

甥即呂甥也食采於陰故曰陰飴甥王城秦地馮翊

臨晉縣東有王城今名武鄉秦伯曰晉國和平對曰

不和小人恥失其君而悼喪其親注痛其親為秦所

殺不憚征繕以立國也曰必報讎寧事戎狄君子愛
其君而知其罪不憚征繕以待秦命曰必報德有死
無二以此不和秦伯曰國謂君何對曰小人感謂之
不免君子恕以為必歸小人曰我毒秦秦豈歸君注

毒謂三施不報音義

憚徒旦反

君子曰我知罪矣秦必歸

君貳而執之服而舍之德莫厚焉刑莫威焉服者懷
德貳者畏刑此一役也注言還惠公使諸侯威服復

可當一事之功音義

舍如字又音捨運音環

疏

正義曰服皮云一役者指韓職

之役知不然者呂甥之言勸秦伯而納晉侯假稱君
子之意若納晉君可以更當一役之功欲深勸秦伯
若直論韓戰之役於秦未有深利何肯納也故杜別
為其說劉炫以服義規之雖於理亦通未為殊絕

秦可以霸納而不定廢而不立以德為怨秦不其然

秦伯曰是吾心也改館晉侯饋七牢焉注牛羊豕各

一為一牢音義

饋其位反

蛾析謂慶鄭曰盍行乎注蛾析

晉大夫也音義

蛾魚綺反或作蟻一音五和反析星歷反本或作晉盍戶臘反

對曰

陷君於敗注謂呼不往誤晉師失秦伯敗而不死又
使失刑非人臣也臣而不臣行將焉入十一月晉侯

歸丁丑殺慶鄭而後入注丁丑月二十九日音義

馬於

度反是歲晉又饑秦伯又餼之粟曰吾怨其君而矜其

民且吾聞唐叔之封也箕子曰其後必大晉其庸可

翼乎注唐叔晉始封之君武王之子箕子殷王帝乙

之子紂之庶兄音義

儀許疏正義曰唐叔晉始封之氣反君晉世家文也宋世家

云箕子者紂親戚也止云親戚不知為父也兄也鄭
玄王肅皆以箕子為紂之諸父服杜以為紂之庶兄
既無正文各以其意言耳歷檢諸書不見箕子之
名唯司馬彪注莊子云胥餘箕子名不知其然否姑

樹德焉以待能者於是秦始征晉河東置官司焉注

征賦也

經十有六年春王正月戊申朔隕石于宋五注隕落也

聞其隕視之石數之五各隨其聞見先後而記之莊七

年星隕如雨見星之隕而墜於四遠若山若水不見在

地之驗此則見在地之驗而不見始隕之星史各據事

而書音義

隕于欽反數色
主反墜直類反

疏

正義曰隕落釋詁文公羊
傳曰曷為先言實而後言

石實石記聞聞其碩然視之則石察之則五是隨聞見
先後而記之也傳稱隕星也則石亦是星而與星隕文
倒故解之彼見星之隕不見在地之驗此見在地之石
不見始隕之星史各據事而書故文異也三十三年書

隕霜者亦見在地之霜不見在天之驗故霜上言隕與此同也星石霜言隕雪雹彗言兩者其狀似雨者稱雨不似雨者即稱隕也

是月六鷓退飛過宋都注是月隕石之月重

言是月嫌同日鷓水鳥高飛遇風而退宋人以為災告

於諸侯故書音義

是月本或作是日鷓五歷反本或作鷓音同六其數也過古禾反重直用

反傳

疏正義曰月令諸言是月皆是前事之月知此是注同隕石之月也石隕鷓退俱是宋事事相類而同

時告故重言是月嫌同日也告者不以鷓退之日告故言是月以異之鷓水鳥者相傳為然春秋考異郵云鷓者毛羽之蟲生陰而屬於陽洪範五行傳曰鷓者陽禽鷓字或作鷓廣志云鷓古退飛者今以其首為船頭莊子云鷓之相視眸子不運而風化博物志云雄雌相視則孕或曰雄鳴上風雌承下風則亦孕是也鳥飛不能

自退傳言風也是鳥高飛遇風而退却也公羊傳曰視之則六容之則鷓徐而容之則退飛是亦隨見先後而書之魯史而記宋事知其宋人以為哭告於諸侯故書

三月壬申公子季友卒注無傳稱字者貴之公與小飲

故書曰音義

與音預飲力驗反公與小飲本亦作公與飲

疏

正義曰季是其字友是其名猶

如仲逆叔躬之類皆名字雙舉劉炫以季為氏而規杜過非也炫云季友仲逆皆生賜族非字也

夏四月丙申鄆季姬卒注無傳音義

鄆似陵反

秋七月甲子公孫茲卒注無傳

冬十有二月公會齊侯宋公陳侯衛侯鄭伯許男邢侯

曹伯于淮注臨淮郡左右音義

邢音刑
淮音懷

疏

正義曰淮水
發源入海其

路甚長會于淮者必是會于水旁不得會于水
內杜欲指其處無以可明故云臨淮郡左右

傳十六年春隕石于宋五隕星也注但言星則嫌星

使石隕故重言隕星疏

正義曰下云風也是風使鷁
退此若直言星也則嫌是星

使石隕故重言隕星以明所隕之石即是星也易稱
在天成象在地成形則星之在上其形不可知也古
今之說星隕至地皆言為石經書在地之驗故言隕
石傳本在天之時故言隕星不知星之在上其形本
是石也為當既隕始變為
石聖賢不說難得而知

六鷁退飛過宋都風也注

六鷁遇迅風而退飛風高不為物害故不記風之異

音義

迅音信又音峻疾也

周内史叔興聘于宋宋襄公問焉曰

是何祥也吉凶焉在注祥吉凶之先見者襄公以為

石隕鷁退能為禍福之始故問其所在音義

馬於度反見賢

通反又

疏

正義曰中庸云國家將興必有祲祥國家將亡必有妖孽則事之先見善惡異名吉

如字之先見謂之祥凶之先見謂之妖此總云祥者彼對文耳書序云堯有祥桑故共生于朝五行傳云青祥白祥之類惡事亦稱為祥祥是總名公問是何祥也吉凶焉在故杜并以吉凶解之言吉凶先見皆為祥也襄公以為石隕鷁退能為禍福之始故問其所在蓋當處其在已故問之

對曰今茲魯

多大喪注今茲此歲明年齊有亂君將得諸侯而不

終注魯喪齊亂宋襄公不終別以政刑吉凶他占知

之疏

正義曰此三者執與止言其事不說知之所由或觀政教刑法或他事別有占驗故云別以政

刑他占知之言知之不由石錫也劉炫云政者若周大夫入陳竟見官職不脩君臣南冠如夏氏知簡夷將亂子貢見公執王早知其替死也刑者若夷吾忌克多怨君子知其不終也吉凶有二陰陽調序四海玉燭時吉也陰陽錯逆寒暑失度民多癘疫五穀不登時凶也父慈子孝君義臣忠人吉也父不父子不子君不君臣不臣人凶也

退而告人曰君失問是陰陽之事非吉

凶所生也注言石墮錫退陰陽錯逆所為非人所生

襄公不知陰陽而問人事故曰君失問叔興自以對

非其實恐為有識所譏故退而告人音義

錯七疏正

曰劉炫云言是陰陽之事也則知事由陰陽若陰陽
順序則物皆得性必無妖異故云陰陽錯逆所為非
人吉凶所生也傳稱天反時為災地反物為妖人反
德為亂亂則妖災生洪範咎徵曰狂恒兩若之類皆
言人有愆失乃致陰陽錯逆而云陰陽錯逆非人所
生者石頂鷄飛事由陰陽錯逆陰陽錯逆乃是人行
所致襄公不問已行何失致有此異乃謂既有此異
將來始有吉凶故答云是乃陰陽之事非將來吉凶
所生言將來若有吉凶協此石鷄之異耳非始從石
鷄而出也襄公不知陰陽錯逆為既往之咎乃謂將
來吉凶出石鷄之間是不知陰陽而空問人事故云
君失問也叔與若以實對當云由君愆失致有此異
今乃別以政刑他占橫說齊亂魯喪自以對非其實
恐為有識所譏故退而告人以此言也服虔云鷄退

風啓君行所致非吉凶所從生裏公不問已行何失而致此變但問吉凶焉在以為石隕鷄逆吉凶所從而生故云君失問是劉炫用服義為說也今刪定以杜注云石鷄陰陽錯逆所為非人所生則陰陽錯逆自然有此非由人事之失致此錯逆又吉凶不由石鷄所生故傳云是陰陽之事非吉凶所生是吉凶不由石鷄石鷄所生不由於人則吉凶之來別由人行得失耳故釋例云或異而無感或感而不可知如此之類是也其傳云亂則妖災生洪範曰狂恒雨若此皆假之陰陽以為勸戒神道助教非實辭也但聖賢之說未知孰是故兩載其義以俟後賢

吉凶由人吾不敢逆君故也注

積善餘慶積惡餘殃故曰吉凶由人君問吉凶不敢

逆之故假他占以對音義

殃於良反
疏
正義曰積善餘慶積惡餘殃易文言

文也言將來吉凶由人行所致行善則有吉行惡則有凶吉凶自由於君不從石鵠而出吾不敢逆君之心故假他
占以對之 ○夏齊伐厲不克救徐而還注十五年齊

伐厲以救徐 ○秋狄侵晉取狐厨受鐸涉汾及昆都
因晉敗也注狐厨受鐸昆都晉三邑平陽臨汾縣西

北有狐谷亭汾水出大原南入河音義

狐音胡厨直
誅反鐸徒各

反汾扶云反水

疏

正義曰汾水從平陽南流折而西
入于河臨汾縣在汾水北狐谷疑

是狐厨乃在縣之西北則狐厨受鐸皆在汾北狄
自北而侵南涉汾水至于昆都昆都在汾南也

○

王以戎難告于齊齊徵諸侯而戍周注十一年戎伐

京師以來遂為王室難音義難乃旦反注同○冬十一月乙

卯鄭殺子華注終管仲之言事在七年○十二月會

于淮謀鄆且東略也注鄆為淮夷所病故音義為于偽反

城鄆役人病有夜登丘而呼曰齊有亂不果城而還

注役人遇厲氣不堪久駐故作妖言音義吁火故反還音旋

經十有七年春齊人徐人伐英氏音義

英於京反

夏滅項注項國今汝陰項縣公在會別遣師滅項不言

師諱之音義

項胡諱反國名魯滅之也二傳以為齊滅

疏

正義曰知非師少不言師而言諱之

者沈云襄十三年傳云用大師焉曰滅此既稱滅故知用大師劉炫云案傳齊人以為討討其滅國非討用師既不諱滅何以諱師炫謂將卑師少稱人不可自言魯人故不稱師炫不達此旨以為將卑師少以規杜過非也

秋夫人姜氏會齊侯于卞注卞今魯國卞縣音義

下皮彦反

疏

正義曰婦人送迎不出門見兄弟不踰闕今出會齊侯無譏文者凡夫人之行得禮失禮直書其事善惡

自明故於文悉無褒貶此時公為齊人所止夫人會以釋之縱使違禮不合貶責

九月公至自會注公既見執于齊猶以會致者諱之

冬十有二月乙亥齊侯小白卒注與僖公八同盟赴以

名疏

正義曰元年盟于犂三年公子友如齊泚盟五年于首止七年于寧母八年于洮九年于葵丘十五

年于牡丘四年與屈完盟于召陵諸侯皆在公亦與焉故為八也同盟相赴以名主謂當時兩君但與其父盟亦得以名赴其子耳與倍盟既多故不復通數莊閔也

傳十七年春齊人為徐伐英氏以報婁林之役也注

英氏楚與國婁林役在十五年音義

為于
偽反

○夏晉太

子圉為質於秦秦歸河東而妻之注秦征河東置官

司在十五年音義

國魚呂反質音致下
同妻七許反下同

惠公之在梁

也梁伯妻之梁嬴孕過期注過十月不產懷子曰孕

音義

羸音盈下同孕以證反過古未反

疏

正義曰十月而產婦人大期又家語云人十月而生

故知過期過十月也易稱婦孕不育說文云孕懷子也

卜招父與其子卜之注

卜招父梁大卜音義

招上遼反大音泰

其子曰將生一男一

女招曰然男為人臣女為人妾故名男曰圉女曰妾

注圉養馬者不聘曰妾疏

正義曰昭七年傳曰馬有圉牛有牧內則云聘則為

妻奔則為妾是也

及子圉西質妻為宦女焉注官事秦為妾

音義

宦音患

○師滅項注師魯師淮之會公有諸侯之

事未歸而取項注淮會在前年冬諸侯之事會同講

禮之事齊人以為討而止公注內諱執皆言止○秋

聲姜以公故會齊侯于卞注聲姜僖公夫人齊女九

月公至書曰至自會猶有諸侯之事焉且諱之也注

恥見執故托會以告廟疏

正義曰實無諸侯之事而言至自會者尚似有諸侯

之事焉

○齊侯之夫人三王姬徐嬴蔡姬皆無子齊侯

好內多內寵內嬖如夫人者六人長衛姬生武孟注

武孟公子無虧音義

好呼報反嬖必計反長丁丈反下注同

少衛姬生

惠公注公子元音義

少計照反

鄭姬生孝公注公子昭葛

嬴生昭公注公子潘音義

潘判丹反

密姬生懿公注公子

商人宋華子生公子雍注華氏之女子姓音義

華戶化反

公與管仲屬孝公於宋襄公以為太子雍巫有寵於

衛共姬因寺人貂以薦羞於公注雍巫雍人名巫即

易牙音義

屬音燭共音恭本亦作恭貂音彫易音亦

疏

正義曰周禮掌食之官有內雍外雍

此人為雍宜名五而字易牙也

亦有寵公許之立武孟注易牙既有

寵於公為長衛姬請立武孟音義

為于

管仲卒五公

子皆求立冬十月乙亥齊桓公卒注乙亥十月八日

易牙入與寺人貂因內寵以殺羣吏注內寵內官之

有權寵者而立公子無虧孝公奔宋十二月乙亥赴

辛巳夜殯注六十七日乃殯音義

殯必
办反

經十有八年春王正月宋公曹伯衛人邾人伐齊注納

孝公

夏師救齊注無傳

五月戊寅宋師及齊師戰于甌齊師敗績注無虧既死

曹衛邾先去魯亦罷歸故宋師獨與齊戰不稱宋公不

親戰也大崩曰敗績厥齊地音義

厥魚免反又魚偃反又音言一音彥

狄救齊注無傳救四公子之徒

秋八月丁亥葬齊桓公注十一月而葬亂故八月無丁

亥日誤

冬邢人狄人伐衛注狄稱人者史異辭傳無義例疏

正義正

曰決上狄救齊不稱人也於例將卑師衆稱師將卑師少稱人謂中夏諸侯之例此稱邢人是將卑師少者夷狄既無爵命非有君臣之別文多稱戎稱狄今君臣同文或單稱狄或稱狄人是時史異辭非褒貶也穀梁傳曰狄其稱人何也善累而後進之伐衛所以救齊也其意以為上已救齊今復伐衛救齊故進之稱人左氏無

此義故為
史異辭

傳十八年春宋襄公以諸侯伐齊三月齊人殺無虧

注以說宋音義

說音悅
又如字

○鄭伯始朝于楚注中國無

霸故楚子賜之金既而悔之與之盟曰無以鑄兵注

楚金利故音義

鑄之
樹反

疏

正義曰考工記云
吳越之劍是也

故以鑄三

鐘注古者以銅為兵傳言楚無霸者遠略○齊人將

立孝公不勝四公子之徒遂與宋人戰注無虧已死

故曰四公子音義

勝音升又
升極反

夏五月宋敗齊師于廩

立孝公而還○秋八月葬齊桓公注孝公立而後得

葬○冬邢人狄人伐衛圍菟圃衛侯以國讓父兄子

弟及朝衆曰苟能治之煨請從焉注煨衛文公名音

義兗音徒國布古反衆不可注不聽衛侯讓而從師

于訾婁注陳師訾婁訾婁衛邑音義訾于斯反婁郎

狄師還注獨言狄還則邢留距衛言邢所以終為衛

所滅○梁伯益其國而不能實也注多築城邑而無

民以實之命曰新里秦取之

經十有九年春王三月宋人執滕子嬰齊注稱人以執

宋以罪及民告例在成十五年傳例不以名為義書名

及不書名皆從赴音義

嬰於

疏

正義曰此云宋人執滕子下云邦人執鄆子二

君於傳無不道之狀而皆稱人以執是宋公欲重其罪以罪及民告故史從而書之以示虛實釋例曰凡諸侯無加民之惡而稱人以執皆時之赴告欲重其罪以加民為辭國史承之書之於策而簡牘之記具存夫子因示虛實故傳隨而著其本狀以明得失也滕子鄆子皆稱人見執宋欲重二國之罪故以不道赴或名或不名從所告之文也傳具載子魚之辭以虐二國之君見義明非罪也杜言書名從赴者諸侯被執其罪與不罪直以執者稱人稱侯為異傳例不以書名為義釋例曰諸見執者已在罪賤之地書名與否非例所加故但言執

某侯也其意言被執己是罪賤書名更無可加故不復以名為義既不以為義而被執者有名與不名知其皆從也

夏六月宋公曹人邾人盟于曹南注無傳曹雖與盟而猶不服不肯致餼無地主之禮故不以國地而曰曹南

所以及秋而見圍音義

與音預下亦與同餼許氣反

疏

正義曰哀十二年傳曰諸

侯之會侯伯致禮地主歸餼桓十四年公會鄭伯于曹傳曰曹人致餼禮也春秋諸會於國都者即以國都名為會地地主不序於列此會地於曹南則在曹之都也在曹之都而曹在列是曹雖與盟而心猶不服秋宋人圍曹傳曰討不服也以不服而被圍知此地以曹南即是不服之狀明是不肯致餼無地主之禮以此故不以

國地而曰曹南所以及秋而見國
以秋見國知此時不服故注言之

鄆子會盟于邾注不

及曹南之盟諸侯既罷鄆乃會之於邾故不言如會疏

正義曰諸侯盟于曹南鄆子欲往會之未至於曹諸侯
既罷以邾既盟訖故如邾會之本意欲往會盟未至於
曹諸侯已去其實至於邾國故書會盟于邾言其意欲
盟也二十八年踐土盟下云陳侯如會彼謂往至會所
此不至會所故書其所至而不言如會襄七年邾之會
下鄭伯鬍頑如會未見諸侯而戍卒于邾亦不至會所
而云如會者其意欲會而在道身喪故亦書其所至義
與此同但卒執事異故文異耳鄆子不及曹南而至於
邾國蓋宋公知其在此

已酉邾人執鄆子用之注稱人以

執宋以罪及告民也鄆雖失大國會盟之信然宋用之

為罰已虐故直書用之言若用畜產也不書社赴不及也不書宋使邾而以邾自用為文南面之君善惡自專

不得託之於他命音義

書許又反

疏

正義曰昭十一年楚執

蔡世子及用之與此執

與此執

與此執

與此執

邾子用之皆惡其無道直書用之言其若用畜牲所以惡楚宋也惡宋而以邾自用為文者南面之君善惡自專不得託之他命事實惡宋亦所以惡邾也傳稱用之于社而經不書于社故云赴不及也劉炫規遇云執蔡世子友用之不言岡山此何須云于社今刑定知不然者以莊二十五年雖用牲于社今邾子既同畜牲而用當云邾人用邾子于社今不云于社故知赴不及則昭十一年執蔡世子友用之亦赴不及也

秋宋人圍曹衛人伐邢注伐邢在圍曹前經書在後從

赴

冬會陳人蔡人楚人鄭人盟于齊注地於齊齊亦與盟

疏

正義曰地於齊者言即以齊為所盟之地也傳稱陳穆公請脩桓公之好而為此盟明是齊亦與盟地於

齊而齊不序諸盟會以國都而地主不列於序者地主亦與盟會也以此而知之耳

梁亡注以自亡為文非取者之罪所以惡梁音義

惡烏路反

疏

正義曰諸侯受命天子分地建國無相滅之理此以自亡為文不書所取之國以為梁國自亡非復取者

之罪所以深惡梁耳非秦得滅人國也釋例曰作事不時則怨謫動於民彼伯者虛與無虞之功亦稱無害之寇遂溝其宮以盡百姓之心聞大國之志是長蒙之先概自亡之實應故言秦滅梁而以自亡為文

傳十九年春遊城而營之注承前年傳取新里故不

復言秦也為此冬

傳音義

復快又反

○宋人執滕宣

公○夏宋公使邾文公用郟子于次睢之社欲以屬

東夷注睢水受汴東經陳留梁譙沛彭城縣入泗此

水次有妖神東夷皆社祠之蓋殺人而用祭音義

睢音

雖屬朱欲反譙在消反沛音

疏

正義曰屬訓聚也殺郟子以懼東夷使東

貝泗音四祠音辭或音祀

夷聚朱歸己也齊桓以德屬諸侯諸侯聚歸齊桓注

正義曰釋例曰汴水自滎陽受河睢水受汴東經陳

留梁國譙郡沛國至彭城縣入泗凡水首從水出謂

之受流歸他水謂之入漢書之例為然言汴從河出

雖從汴出也次謂水旁也下云用諸淫昏之鬼則此
祀不在祀典故云此水次有妖神妖神而謂之社傳
言以屬東夷則此是東夷之神故言東夷皆社祠之
劉炫云按昭十年季平子伐莒獻俘始用人於亳社
彼亳社舊不用人杜何以知此社殺人而用祭乎今
知不然者彼傳云始用人於亳社故知舊來不用此
云使邾文公用鄆子于次唯之社既不言
始明知舊俗用之劉取彼而規杜過非也

司馬子魚

曰古者六畜不相為用注司馬子魚公子目夷也六

畜不相為用謂若祭馬先用馬音義

畜許又反注
同為于偽反

下為人同又疏正義曰爾雅釋畜馬牛羊豕犬雞謂
如字之故此之六畜周禮謂之六牲養之曰畜用
之曰牲其實一物也此六畜不相為用昭十一年
傳曰五牲不相為用彼注不云馬而以其餘當之明

其供為祭祀所用使此同也周禮版人春祭馬祖鄭
玄云馬祖人馬也孝經說口房為龍馬六畜之言先
祖者唯此一文而已以外牛羊之等其祖不知為何
神也謂若祭馬先不用馬略舉一隅按有文者言之
耳沈氏云春秋說天祀玉牛又有天雞
天狗天豚以馬祖類之比等各有其祖 **小事不用大**
牲疏正義曰雜記言釐廟用羊門夫室皆用雞隱十
一年傳稱鄭伯之祖使卒出殯行出犬雞如此
之類皆是不用大牲也 **而况敢用人乎祭祀以為人也民神之**

主也用人其誰饗之齊桓公存三亡國以屬諸侯注

三亡國魯衛邢疏

正義曰齊語云魯有夫人慶父之
亂二君弑死國絕無嗣桓公使高

子存之狄人攻邢桓公集夷儀以封之狄人攻衛衛
人出廬于曹桓公城楚丘以封之是也衛則狄滅之

矣魯邢不滅而言亡者美大齊桓之功耳

義士猶曰薄德注謂欲因亂取

魯緩救邢衛今一會而虐二國之君注宋公三月以會召諸侯執滕子六月而會盟其月二十二日執郕子故云一會而虐二國之君又用諸淫昏之鬼注非周社故將以求霸不亦難乎得死為幸注恐其亡國

○秋衛人伐邢以報菟圃之役注邢不速退所以獨見伐於是衛大旱卜有事於山川不吉注有事祭也

寧莊子曰昔周饑克殷而年豐今邢方無道諸侯無

伯注伯長也音義

長丁
大反

天其或者欲使衛討邢乎從

之師興而雨○宋人圍曹討不服也注曹南盟不脩

地主之禮故子魚言於宋公曰文王聞崇德亂而伐

之軍三旬而不降注崇崇侯虎音義

降戶江
反下同

退脩教

而復伐之因壘而降注復往攻之備不改前而崇自

服音義

復扶又反注同一本作而復伐
之伐衍字也壘力執反軍壘

詩曰刑于寡

妻至于兄弟以御于家邦注詩大雅言文王之教自

近及遠寡妻嫡妻謂大姒也刑法也音義

御如字治
也詩音五

嫁反迎也。媯或作適。丁歷反。大如音泰。如音似。今君德無乃猶有所闕而以

伐人若之何。盍姑內省德乎。無闕而後動音義。盍明

○陳穆公請脩好於諸侯以無忘齊桓之德。冬盟于

齊脩桓公之好也。注宋襄暴虐故思齊桓音義。好丁報反

下同○梁亡不書其主自取之也。注不書取梁者主名

初梁伯好土功。亟城而弗處。民罷而弗堪。則曰某寇

將至。乃溝公宮。注溝澁音義。亞欺美反罷音曰秦將

襲我。民懼而潰。秦遂取梁音義。潰戶外反

經二十年春新作南門注魯城南門也本名稷門僖公

更高大之今猶不與諸門同改名高門也言新以易舊

言作以興事皆更造之文也疏

正義曰魯城南門本名稷門今新作者新脩彼

稷門更今高大因改名高門此事非有所據魯人相傳云然今時魯人其言猶如此也新者易舊之意作者與事之辭皆是更造之文也劉賈先儒皆云言新有故在言作有新在故為此言以異之釋例曰言新意所起言作以興事通謂興起功役之事總而言之不復分別因舊與造新也

夏部子來朝注無傳部姬姓國音義

部古報反字林工竺反

疏正

曰二十四年傳富辰所云部之初封文王之子時季之弟以後更無所聞唯此年一見而已無時君臨號不知

誰減之

五月乙巳西宮災注無傳西宮公別宮也天火曰災例

在宣十六年疏

正義曰穀梁以西宮為閔公之廟禮宗廟在左不得稱西宮也公羊傳曰西宮

者何小寢也小寢則易為謂之西宮有西宮則有東宮矣此注取公羊為說故云公別宮也

鄭人入滑注入例在襄十三年音義

滑于八反

秋齊人狄人盟于邢

冬楚人伐隨

傳二十年春新作南門書不時也注失土功之時凡

啓塞從時注門戶道橋謂之啓城郭牆澗謂之塞皆
官民之開閉不可一日而闕故特隨壞時而治之今
僖公脩飾城門非開閉之急故以土功之制識之傳

嫌啓塞皆從土功之時故別起從時之例音義

塞素則反

疏

正義曰傳唯言啓塞從時不知啓塞之言意何所
謂服虔云闔扇所以開鍵閉所以塞月令仲春脩

闔扇五冬脩鍵閉從時從此時也傳既云作門不時
更發從時之例則啓塞之事當是城門之類安得以
為闔扇鍵閉細小之物乎若是仲春五冬傳何以不
言春冬而直云從時知從何時豈丘明作傳不了待
月令而後明哉故杜更為別說雖杜之言亦無明證
正以門戶道橋所以開人行路故以為啓城郭牆澗

所以障蔽往來故以為塞雖言無所據而理在可通
此二事者皆官民之所開閉終當須之不可一日而
闕言從時者特從壞時而脩之不得拘以土功時月
也此新作南門者當時不是傾壞僖公欲脩飾使高
大耳非開閉之急得待土功開月今以日至之後興
造此門故以土功之制裁之云書不時也傳既壞僖
公作門不時嫌門戶牆塹之類交急之事亦待土功
之月故別起從時之例言啓塞不須待時其新作門
須待時耳杜云城郭謂之塞亦得從壞時而治之所
以春秋築城每云書不時者謂非因破壞而輒脩理
故謂之不時釋例曰門戶道橋城郭牆塹官民之開
閉不可一日闕者也故特隨壞時而脩之皆當其時
而託不必用土功之常時也故傳既曰書不時又曰
啓塞從時重登以明二義其他急事亦包之也魯城
南面三門隱公元年開一門故今南有四門僖公意
更繕治高大授門非啓塞之義而以日至之後興功

故經書春秋傳曰書不時言失土功之時也啓塞之事猶得從宜而脩之

○滑人叛鄭而

服於衛夏鄭公子士洩堵寇帥師入滑注公子士鄭

文公子洩堵寇鄭大夫音義

洩息列反堵丁古反王又音者

○秋齊

狄盟于邢為邢謀衛難也於是衛方病邢音義

為于偽反

難乃旦反

○隨以漢東諸侯叛楚冬楚闞穀於莧帥師伐

隨取成而還君子曰隨之見伐不量力也量力而動

其過鮮矣善敗由已而由人乎哉詩曰豈不夙夜謂

行多露注詩召南言豈不欲早暮而行懼多露之濡

已以喻違禮而行必有污辱是亦量宜相時而動之

義音義

故奴口反於音烏莞音徒鮮息亮反下同召上照反暮本亦作莫音暮汙汙穢之汙一音

烏路反相

○宋襄公欲合諸侯臧文仲聞之曰以欲

息亮反

從人則可注屈己之欲從衆之善以人從欲鮮濟注
為明年鹿上盟傳

經二十有一年春秋侵衛注無傳為邢故音義

為于偽反下為

同 郭

宋人齊人楚人盟于鹿上注鹿上宋地汝陰有原鹿縣

宋為盟主故在齊人上

夏大旱注雩不獲雨故書旱自夏及秋五稼皆不收疏

正義曰春秋之例旱則脩雩雩必為旱而經或書雩或書旱者雩而得雨喜雩有益書雩不書旱者雩不得雨則書旱明災成此時雩不獲雨故書旱也周之夏即今之二月三月四月也於時方欲下種此月不雨未能成災而書夏大旱者此後雖得少雨而然是不堪生殖從夏及秋五稼悉皆不收不收之後擇最早之月而書之故書夏大旱也劉炫云大旱而不書饑者傳云是歲也饑而不害故不書饑

秋宋公楚子陳侯蔡侯鄭伯許男曹伯會于孟注孟宋

地楚始與中國行會禮故稱爵音義

于孟音

執宋公以伐

宋注不言楚執宋公者宋無德而爭盟為諸侯所疾故

總見衆國共執之文音義

見賢
通反

冬公伐邾注無傳為邾滅須句故音義

句其俱
反傳同

楚人使宜申來獻捷注無傳獻宋捷也不言宋者秋伐

宋冬來獻捷事不異年從可知不稱楚子使來不稱君

命行禮音義

蘇軒連反
捷在接反

十有二月癸丑公會諸侯盟于薄釋宋公注諸侯既與

楚共伐宋宋服故為薄盟以釋之公本無會期聞盟而

往故書公會諸侯音義

薄如字

疏

正義曰諸侯之被執者皆不書其釋釋而公不

與又不告故魯史不得書之此由公往與盟見其得釋故書之耳文七年公會諸侯及大夫盟于扈傳曰公後至故不書所會凡會諸侯不書所會後也後至不書其國辟不故也此盟亦總言諸侯不書其國似是公之後期故解之魯先不屬楚公本無會期聞盟而往故書公會諸侯非後期也公非後期而總書諸侯者此則會孟之諸侯也一事而再見者前目而後凡自謂前已歷序故後總言耳非為魯公變文也

傳二十一年春宋人為鹿上之盟以求諸侯於楚楚

人許之公子目夷曰小國爭盟禍也宋其亡乎幸而

後敗注謂軍敗○夏大旱公欲焚巫尪注巫尪女巫

也主祈禱請雨者或以為尪非巫也瘠病之人其面

上向俗謂天哀其病恐雨入其鼻故為之旱是以公

欲焚之音義

尪烏黃反禱丁老反或丁報反瘠在亦反向本亦作嚮許亮反故為于偽反

疏

正義曰周禮女巫巫職云旱暵則舞雩此以為旱欲焚之故知正尪女巫也并以巫尪為女巫巫則尪是

劣弱之稱當以女巫巫尪弱故稱尪也或以為尪非巫也巫是禱神之人尪是瘠病之人二者非一物也尪是病人天恐雨入其鼻俗有此說不出傳記義或當然故兩解之也禮弓云歲旱穆公召縣子而問焉曰天久不雨吾欲畧尪而奚若曰天則不雨而畧人之疾子虛無乃不可與鄭玄云尪者面嚮天觀天哀而雨之又曰吾欲畧巫而奚若鄭玄云巫主接神亦觀天哀而雨之故欲畧人疾而求雨故鄭玄以為觀天

哀而下雨此欲燒殺以求雨故杜以為天哀之而不
雨意異故解異也禮記既言暴厄又別言暴至至厄
非一物記言暴人之疾
臧文仲曰非早備也脩城郭
則厄是病人或說是也

貶食省用務穡勸分注穡儉也勸分有無相濟音義

貶彼儉反

疏

正義曰穡是愛惜之義故為儉也裏二
十四年穀梁傳曰五穀不升為之大侵

大侵之禮君食不兼味壺榘不塗弛侯廷道不除百
官布而不制鬼神禱而不祀曲禮云歲凶年穀不登
君膳不祭肺馬不食穀如此之類皆是務為儉也務
為儉穡而脩城郭者服虔云國家凶荒則無道之國
乘而加兵故脩
城郭為守備也
此其務也巫尪何為天欲殺之則如

勿生若能為旱焚之滋甚公從之是歲也饑而不害

注不傷害民○秋諸侯會宋公于孟子魚曰禍其在
此乎君欲已甚其何以堪之於是楚執宋公以伐宋
冬會于薄以釋之子魚曰禍猶未也未足以懲君注
為二十二年戰泓傳音義德直升反
泓烏宏反○任宿須句顓

史風姓也實司大皞與有濟之祀注司主也大皞伏

義四國伏羲之後故主其祀任今任城縣也顓史在

泰山南武陽縣東北須句在東平須昌縣西北四國

封近於濟故世祀之音義

任音壬注同顓音專史羊
朱反風姓也本或作皆風

姓大音奉，韓胡老反，濟子禮反。注及下注同義本或作戲，許宜反。近附近之近。以服事諸夏

注與諸夏同服王事音義

義戶雅反注及下同

邾人滅須句須

句子來奔，因成風也。注須句成風，家成風為之言於

公曰：崇明祀，保小寡，周禮也。注明祀，大韓有濟之祀

保安也音義

為于偽反

蠻夷，猶夏周禍也。注此邾滅須句

而曰蠻夷，昭二十三年叔孫豹曰：邾又夷也。然則邾

雖曹姓之國，迫近諸戎，雜用夷禮，故極言之。猶夏亂

諸夏音義

謂于八反，叔孫豹言，故反按杜注所引是叔孫播語，今傳本多作豹，恐是傳寫誤也。

宜為媾媾
音勃若反
疏正義曰
實矣
辨夏奔
典文
精列為
亂故
云叔孫媾曰
偏檢古本皆
作豹字蓋注
後即寫誤
若封須句是
崇禔濟而脩

祀紓禍也注紓解也為明年伐都傳音義

紓音

春秋左傳注疏卷十三

春秋左氏傳注疏卷十三考證

晉侯及秦伯戰于韓獲晉侯。○顧炎武曰：知錄曰：及韓在涉河之後，此韓在河東。史記正義引括地志云：韓原在同州韓城，非也。杜氏但云韓晉地，却有斟酌。

臣浩按韓晉地三字各本俱無，此注不知炎武所據。

何本。臣召南按此韓與古韓國在韓城，以梁山為望。

者不同。後漢郡國志曰：河東郡河北縣。詩魏國有韓亭，當是。

傳實落材亡疏劉炫云此一句是史家序享充卜人之
語言秦伯之車三經敗壞乃至於韓而晉始懼。臣

浩按孔疏不從杜氏晉侯車三壞之說也以下文晉
侯謂慶鄭曰寇深矣推之似劉說為長顧炎武日知
錄曰涉河侯車敗二句乃事實非卜人之言

傳曰上天降災云云。孔疏謂此一段是後人所加今
不加句以別之

音義內自曰上天降災至有是後人加也三十字。

各本俱誤作杜注接刻于今不得通外內句下今以陸氏釋文訂定改正

傳晉侯使卻乞告瑕呂飴甥注瑕呂飴甥即呂甥也蓋

姓瑕呂名飴甥字子金○

臣召南

按以文義推之呂

是其氏瑕是其食采之邑晉國自有瑕城恐不可以

瑕呂為姓也

臣照

按飴甥似亦不得謂是其名蓋瑕

其食邑呂其氏飴其名甥則晉侯之甥也必當時晉有此稱故傳因而書之

傳女承筐。○林堯叟曰：離為大腹，故稱筐。女之職奉承，筐，筐也。離中虛，故為虛筐。

傳西鄰責言。○林堯叟曰：兌西方也。兌為口舌，以兌從震，是口舌雷動。

傳震之離亦離之震。○林堯叟曰：震為雷，離為電，故二卦變而氣相通。

傳姪其從姑。○趙汭補注曰：周語我皇妣太姜之姪，逢公注：昆弟之子，男女皆曰姪。

傳明年其死于高梁之虛注在平陽楊縣西南○監本
楊字下行一氏字今刪

傳此一役也注復可當一事之功疏服虔云一役者謂
韓戰之役○臣召南按杜注不如服義直截孔疏猶
以劉炫規過為非何哉

傳箕子曰其後必大注箕子殷王帝乙之子紂之庶兄
○臣浩按杜注誤以微子為箕子

傳於是秦始征晉河東置官司焉○林堯史曰此即惠

公許賂秦以河外列城五之地至是始歸之秦也臣

召南

按傳言河東不言河外林說非是

滅項注項國今汝陰項縣○臣召南 按項縣漢屬汝南

郡晉武分汝南為汝陰郡晉志項屬梁國杜作注時
尚屬汝陰也

傳鄭伯始朝于楚注中國無霸故○臣召南 按楚陵諸

國已久至是齊桓沒鄭遂朝楚局又一變後晉楚爭

鄭俱自此始

傳十有九年春遂城而居之。○

臣浩

按此與上年梁伯

益其國而不能實也本共一傳杜氏以年分斷之

傳宋公使邾文公用郟子于次睢之社欲以屬東夷疏

使東夷聚來歸已也齊桓以德屬諸侯諸侯聚歸齊

桓○

臣召南

按齊桓二句十三字推尋文義乃下文

齊桓公存三亡國以屬諸侯句下之疏不知何時誤

連於此各本俱誤

春秋左氏傳注疏卷十三考證

謹按第一頁前七行疏此非為禮也刊本及監本
毛本非並訛仍據宋本改

第六頁前二行疏亦是秦勝晉之卦也刊本是訛
有今改

第七頁前四行注變易人意刊本易訛化今改

第十六頁前二行疏謂我姪者刊本謂訛為今改

第十六頁後六行疏若盡皆附會諸本若訛者今

據宋本改

在
第
十
六
頁
後
六
行
全
構
虛
而
不
經
諸
本
全
訛
今
據

宋
本
改

第
十
七
頁
前
六
行
疏
卜
之
用
龜
諸
本
之
訛
以
據
宋

本
改



覆校官檢討臣李學錦

校對官修撰臣張書勳

膳錄監生臣顧振

欽定四庫全書薈要

經部

左傳注疏卷十四



詳校官原任侍講王燕緒

春秋左傳注疏卷十四

起僖公二十二年盡二十四年

晉杜氏注 唐陸德明音義 孔穎達疏

經 十有二年春公伐邾取須句注須句雖別國而削
弱不能自通爲魯私屬若顛臾之比魯謂之社稷之臣

故滅奔及反其君皆略不備書惟書伐邾取須句音義

比必疏 正義曰上傳云須句子則須句子爵故云雖別國而不能自通爲魯私屬若襄公之世鄆國屬

魯故知如顛臾之比略不備書也

夏宋公衛侯許男滕子伐鄭

秋八月丁未及邾人戰于升陘注升陘魯地邾人縣公

胄于魚門故深恥之不言公又不言師敗績音義

陘音刑縣

音玄胄

直救反

冬十有一月己巳朔宋公及楚人戰于泓宋師敗績注

泓水名宋伐鄭楚救之故戰也楚告命不以主帥人數

故略稱人音義

帥所類反

傳二十二年春伐邾取須句反其君焉禮也注得恤

寡小之禮○三月鄭伯如楚○夏宋公伐鄭子魚曰

所謂禍在此矣注怒鄭至楚故伐之爲下泓戰起○

初平王之東遷也注周幽王爲犬戎所滅平王嗣位

故東遷洛邑辛有適伊川見被髮而祭于野者注辛

有周大夫伊川周地伊水也音義被皮寄反下注同曰不及

百年此其戎乎其禮先亡矣注被髮而祭有象夷狄

疏正義曰其中國之禮先亡矣秋秦晉遷陸渾之戎于伊川注允

姓之戎居陸渾在秦晉西北二國誘而徙之伊川遂

從戎號至今爲陸渾縣也計此去辛有過百年而云

不及百年傳舉其事驗不必其年信音義

渾戶門反一音胡困

反疏

正義曰昭九年傳曰先王居櫛杙于四裔故允姓之姦居于瓜州伯父惠公歸自秦而誘以來

是此戎爲允姓也彼注云瓜州今敦煌則陸渾是敦煌之地名也徙之伊川復以陸渾爲名故至今爲陸渾縣十一年傳稱伊洛之戎同伐京師則伊洛先有戎矣而以今始遷戎爲辛有言驗者蓋今之遷戎始唐被髮祭野

○晉太子圉爲質于秦將逃歸謂羸氏

曰與子歸乎注羸氏秦所妻子圉懷羸也音義

質音致妻

七計反

對曰子晉太子而辱于秦子之欲歸不亦宜乎

寡君之使婢子侍執巾櫛注婢子婦人之卑稱也音

義

櫛側乙反稱尺正義曰曲禮云夫人自稱於其證反下之稱同疏君曰小童世婦以下自稱曰婢

子是婢子爲婦人之卑稱

以固子也從子而歸棄君命也不敢從

亦不敢言遂逃歸注傳終史蘇之占○富辰言於王

曰請召大叔注富辰周大夫大叔王子帶十二年奔

齊音義

大叔音恭注同

詩曰協比其鄰昏姻孔云注詩小雅

言王者爲政先和協近親則昏姻甚相歸附也鄰猶

近也孔甚也云旋也音義

比毗志反

疏

正義曰詩小雅正月之篇也毛傳云

洽合鄰近云旋也言王者和合親比其近親則昏姻甚迴旋而相歸附其詩之意欲令王親親以及遠

吾兄弟之不協焉能怨諸侯之不睦王說王子帶自齊復歸于京師王召之也注傳終仲孫湫之言也爲

二十四年天王出居于鄭起音義馬於虔反說音悅湫子小反○

邾人以須句故出師公卑邾不設備而禦之注卑小

也音義禦本亦作御音魚呂反臧文仲曰國無小不可易也無

備雖衆不可恃也詩曰戰戰兢兢如臨深淵如履薄

冰注詩小雅言常戒懼音義易以鼓反下同兢兢陵反本或作矜又曰

敬之敬之天惟顯思注顯明也思猶辭也命不易哉

注周頌言有國宜敬戒天明臨下奉承其命甚難疏

正義曰詩周頌羣臣進戒成王之辭言爲國君者宜敬之哉敬之哉天之道唯明見思言天之臨下善惡

必察奉承天命不易哉先王之明德猶無不難也無言其承天命甚爲難

不懼也况我小國乎君其無謂邪小蚤蠹有德音義

蚤芳容反本又作蚤俗作蜂皆同蚤勅邁

反又勅戒反字林作蚤丑介反又他割反疏正義曰

飛蟲螫人者也蚤毒蟲也方言云燕趙謂蚤爲蠹蠹其小者謂之蠹蠹通俗文云蚤長尾謂之蠹蠹毒傷

人曰蛆張列

反字或作蜚而况國乎弗聽八月丁未公及邾師戰

于升陘我師敗績邾人獲公胄縣諸魚門注胄兜鍪

魚門邾城門音義

升陘本亦作登陘縣音
玄兜丁侯反登莫侯反

疏

正義曰
說文云

胄兜鍪首鎧也書傳皆云胄無兜鍪之
文言兜鍪舉今以曉古蓋秦漢以來語

○楚人伐宋

以救鄭宋公將戰大司馬固諫曰天之棄商久矣君

將興之弗可赦也已注大司馬固莊公之孫公孫固

也言君興天所棄必不可不如赦楚勿與戰弗聽○

冬十一月己巳朔宋公及楚人戰于泓宋人既成列

楚人未既濟注未盡渡泓水司馬曰注子魚也彼衆

我寡及其未既濟也請擊之公曰不可既濟而未成
列又以告公曰未可既陳而後擊之宋師敗績公傷
股門官殲焉注門官守門者師行則在君左右殲盡

也音義

陳直觀反殲子廉反

疏

正義曰周禮虎賁氏掌先後王而趨以卒伍軍旅會同亦如之

舍則守王閤王在國則守王宮國有大故則守王門諸侯之禮亡其官屬不可得而知此門官蓋亦天子虎賁氏之類故在國則守門師行則在君左右近公故盡死也殲盡釋詁文舍人云殲衆至盡也

國

人皆咎公公曰君子不重傷不禽二毛注二毛頭白

有二色音義

咎其九反重直用反下同

古之爲軍也不以阻隘也

注不因阻隘以求勝音義

隘於賣反

寡人雖亡國之餘注

宋商紂之後不鼓不成列注恥以詐勝疏

正義曰軍法鳴鼓以

戰因謂交戰爲鼓彼不成列而鼓以擊之是詐以求勝故注云恥以詐勝

子魚曰君未知

戰勅敵之人隘而不列天贊我也注勅強也言楚在

險隘不得陳列天所以佐宋音義

勅其京反

阻而鼓之不

亦可乎猶有懼焉注雖因阻擊之猶恐不勝且今之

勅者皆吾敵也雖及胡者注今之勅者謂與吾競者

胡考元老之稱音義

考音苟

疏

正義曰隘法保民者艾曰胡胡是老之稱也釋

詰云耆壽也舍人曰耆親也血氣精華觀竭言色赤黑如狗矣孫炎曰耆面如凍梨色似浮垢老人壽徵

也獲則取之何有于二毛疏

正義曰用兵之法前敵無問彊弱不可遺留且

復若留彊者還爲己害故曰且今之陳上不被損傷材力彊者皆能與吾相敵若其不殺還來害我是以雖及胡者獲則取之何有思義於二毛之人明恥教戰求殺敵也注明設

刑戮以恥不果傷未及死如何勿重注言尚能害已

若愛重傷則如勿傷愛其二毛則如服焉注言苟不

欲傷殺敵人則本可不須

疏

正義曰如猶不如古人之語然猶似敢卽

不敢若愛彼重傷則不如勿傷之若愛其二毛不欲傷害則不如早服從之何須與戰

三軍以

利用也注爲利興音義

爲

金鼓以聲氣也注鼓以

佐士衆之聲氣疏

正義曰

金鼓以聲氣謂金鼓佐士衆之聲氣下文聲盛致志者謂

士衆由聞金鼓聲氣滿盛能致勇武之志以擊前敵謂此前敵僥巖未陳鼓而擊之可也注不言金當以金有止衆之時不是盡以聲氣故也周禮鼓人掌教六鼓四金之音聲以節聲樂以和軍旅以正田役以金鐃和鼓以金錫節鼓以金鏡止鼓以金鐸通鼓是鐃錫鐸皆助鼓以聲氣其鏡則鳴之以止鼓大司馬教戰法亦云三刺之後乃鼓退鳴鏡且却哀十一年傳書曰此行也吾聞鼓而已不聞金矣杜云鼓以進軍金以退軍不聞金言將死也是金有止鼓之時非盡用以聲氣注不言金見此意也

利而用

之阻隘可也聲盛致志鼓僥可也注僥巖未整陳音

義僂仕衡反又仕減反陳直觀反又如字

○丙子晨鄭文夫人芊氏姜

氏勞楚子于柯澤注楚子還過鄭鄭文公夫人芊氏

楚女姜氏齊女也柯澤鄭地音義

芊彌爾反楚姓也勞力報反柯音哥

疏正義曰以芊是楚姓姜是齊姓故云楚女齊女耳亦無明文言之二者共以夫人冠之蓋俱是夫人

禮無二適而有兩夫人者當時僭恣不如禮也

楚子使師緡示之俘馘注師

緡楚樂師也俘所得囚馘所截耳音義

緡音晉俘芳扶反囚也馘

古或反疏正義曰書傳所言師曠師曹師蠲之類皆戰所獲是樂師知此師緡亦樂師也釋詁文俘取

也馘獲也李巡云囚敵曰俘伐執之曰取郭璞云今以獲賊耳爲馘毛詩傳曰殺而獻其耳曰馘鄭箋云

馘所格者左耳也然則俘者生執囚之
馘者殺其人截取其左耳欲以計功也
君子曰非禮

也婦人送迎不出門見兄弟不踰闔注闔門限音義

闔音域一

音况域反

疏

正義曰釋宮云扶謂之闔孫炎曰扶門限也經傳諸注皆以闔爲門限謂門下

橫木爲外內之限也

戎事不邇女器注邇近也器物也言俘馘

非近婦人之物音義

近如字又附近之近下同

丁丑楚子入饗于

鄭注爲鄭所饗音義

爲子偽反

九獻注用上公之禮九獻

酒而禮畢疏

正義曰周禮大行人云上公九獻侯伯七獻子男五獻案儀禮主人酌以獻賓

賓酢主人主人又酌以酬賓乃成一獻之禮九獻者九爲獻酬而禮始畢也楚實子爵以霸主自許故鄭

上公豆四十侯伯三十二子男二十四鄭注云公四十豆堂上十六西夾東夾各十二侯伯三十二豆堂上十二西夾東夾各十子男二十四豆堂上十二西夾東夾各六然蓬數亦然其蓬豆之物者周禮蓬人掌四蓬之實朝事乏蓬其實粢栗桃乾榛榛實加蓬之實菱芡鱠饋食之蓬其實棗栗桃乾榛榛實加蓬之實菱芡栗脯羞蓬之實稷餌粉粢醢人掌四豆之實朝事之豆其實韭菹醢昌本康藿菁菹鹿藿苽菹麇饋食之豆其實葵菹羸醢脾析麇醢蜃蚘醢豚拍魚醢加豆之實芹菹兔醢深蒲醢醢箔菹鴈醢荀菹魚醢羞豆之實醢食糝食此等所陳雖爲祭祀下云賓客亦如之是賓客與祭祀不異故三十年饗有昌歌白黑形鹽公食大夫禮亦有昌本之屬此云加蓬饗畢豆六品必是此等之物但傳文不具無以言之

夜出文芊送于軍取鄭二姬以歸注二姬文芊女也

叔詹曰楚王其不没乎注不以壽終音義

詹章廉反
沒門忽反

爲禮卒於無別無別不可謂禮將何以沒諸侯是以知其不遂霸也注言楚子所以師敗城濮終爲商臣

所弑音義

卒子恤反別彼列反
下同濮音卜弑音試

經二十有三年春齊侯伐宋圍緡注緡宋邑高平昌邑

縣東南有東緡城音義

緡七
巾反

夏五月庚寅宋公茲父卒注三同盟疏

正義曰茲父以
九年卽位其年

盟于葵丘十五年于牡丘唯與魯同此二盟而已而云三者并數盟于薄釋宋公也案經盟于薄始云釋宋公

則盟薄之時宋公未得與盟而數之者以凡盟之法皆舍其前惡結其後好故宣十五年楚人圍宋國後始盟及城下之盟皆是其事今釋宋公之後恐楚人伐宋宋公恨楚故盟以結之若未釋宋公之前何須盟誓但經文欲顯公會之事故盟在釋前劉炫以宋公不與薄盟而規杜云非也

秋楚人伐陳疏

正義曰傳稱楚成得臣帥師伐陳則是楚之貴卿也而稱人者釋例曰楚之君

臣最多混錯此乃楚之初興未開周之典禮告命之書自生異同猶秦之辟陋不與中國準故成二年以上春秋未以入例也如杜彼言楚不以得臣名告故稱人耳

冬十有一月杞子卒注傳例曰不書名未同盟也杞入

春秋稱侯莊二十七年絀稱伯至此用夷禮貶稱子音

義結本又作
熙勅律反

傳二十三年春齊侯伐宋圍緡以討其不與盟于齊也注十九年盟于齊以無忘桓公之德而宋獨不會

復召齊人共盟鹿上故今討之音義

與音預復扶又
反下不復成嫁

同○夏五月宋襄公卒傷于泓故也注終子魚之言

得死爲幸○秋楚成得臣帥師伐陳討其貳于宋也

注成得臣子玉也遂取焦夷城頓而還注焦今譙縣

也夷一名城父今譙郡城父縣二地皆陳邑頓國今

汝陰南頓縣音義

焦子消反

子文以爲之功使爲令尹叔

伯曰子若國何注叔伯楚大夫遠呂臣也以爲子玉

不任令尹音義

遠爲彼反任音壬

對曰吾以靖國也夫有大

功而無貴仕注貴仕貴位音義

靖音靜

其人能靖者與

有幾注言必矜功爲亂不可不賞音義

其人能靖者與絕句與音

餘幾居宜反

○九月晉惠公卒注經在明年從赴懷公命

無從亡人注懷公子圉亡人重耳音義

重直龍反期期而

不至無赦狐突之子毛及偃從重耳在秦弗召注偃

子犯也音義

期期上如字下音基下亦作基下注未期亦音基從才用反後皆同

冬懷

公執狐突曰子來則免注未期而執突以不召子故

對曰子之能仕父教之忠古之制也策名委質貳乃

辟也注名書於所臣之策屈膝而君事之則不可以

貳辟罪也音義

質如字辟婢亦反注同膝星歷反

疏

正義曰策簡策也質形體也古

之仕者於所臣之人書已名於策以明繫屬之也拜則屈膝而委身體於地以明敬奉之也名繫於彼所

事之君則不可以貳心辟罪釋詁文

今臣之子名在重耳有年數矣若

又召之教之貳也父教子貳何以事君刑之不濫君

之明也臣之願也淫刑以逞誰則無罪臣聞命矣乃殺之卜偃稱疾不出曰周書有之乃大明服注周書

康誥言君能大明則民服音義

濫力
暫反

已則不明而殺

人以逞不亦難乎民不見德而唯戮是聞其何後之

有注言懷公必無後於晉爲二十四年殺懷公張本

音義

逞勅景反本
亦作呈之

○十一月杞成公卒書曰子杞夷

也注成公始行夷禮以終其身故於卒貶之杞實稱

伯仲尼以文貶稱子故傳言書曰子以明之疏

正義
曰何

休膏育難左氏云杞子卒豈當用夷禮死乎故解之
此杞成公始行夷禮以終其身故於卒貶之卒者人
之終於終貶之見其終身行夷禮也於時杞實稱伯
唯此獨稱子是仲尼以文貶之稱子貶之而曰子者
曲禮曰其在東夷北狄西戎南蠻雖大曰子四夷不
之君爵不過子故貶之爲子言如夷狄之大國耳不
書名未同盟也凡諸侯同盟死則赴以名禮也注隱

七年已見今重發不書名者疑降爵故也此凡又爲

國史承告而書例音義

見賢遍反重而用反下重
詳同爲于僞反又如字

赴

以名則亦書之注謂未同盟不然則否注謂同盟而
不以名告辟不敏也注敏猶審也同盟然後告名赴

者之禮也承赴然後書策史官之制也內外之宜不

同故傳重詳其義疏

正義曰隱七年已有例矣今重發者釋例曰杞侯降爵嫌有異

同故傳重發不書之例又更發凡者以明雖亮赴有法若或違之國史亦承告而書不必改正也赴以名則亦書之者謂諸侯雖不同盟或以名赴也不然則否辟不敏者謂雖同盟而赴不以名則亦不書名以審違

○晉公子重耳之及於難也晉人伐諸蒲城注

事在五年音義

難乃旦反

蒲城人欲戰重耳不可曰保君

父之命而享其生祿注享受也保猶恃也疏

正義曰人以祿

生故謂之生祿

於是乎得人注以祿致衆有人而校罪莫大

焉注枝報也音義枝音吾其奔也遂奔狄從者狐偃

趙衰注衰趙夙弟音義衰初危反顛頡魏武子注武子魏

犇音義頡戶結反司空季子注胥臣曰季也時狐毛

賈佗皆從而獨舉此五人賢而有大功音義白其九反佗徒

何疏正義曰胥氏也臣名也晉有白邑蓋食采於白邑字季子而爲司空之官故名氏互見也不言

狐毛賈佗而獨舉此五人者賢而有大功故也顛頡歸晉尋卽被戮而言大功者當爲從亡之時有大功也晉語稱公子長事賈佗佗非不賢蓋傳文意之所在便卽言之未必五人皆賢于賈佗狄人伐

唐咎如注唐咎如赤狄之別種也隗姓音義唐在良反咎古

刀反隗五罪疏正義曰成二年晉卻克衛孫良夫伐

反下文皆同狄之餘知是赤狄之別種也獲其二女叔隗季隗納

諸公子公子取季隗生伯儵叔劉以叔隗妻趙衰生

盾注盾趙宣子音義儵直由反妻七計將適齊謂季

隗曰待我二十五年不來而後嫁對曰我二十五年

矣又如如是而嫁則就木焉注言將死入木不復成嫁

請待子處狄十二年而行注以五年奔狄至十六年

而去音義請待子絕句過衛衛文公不禮焉出于五鹿注

五鹿衛地今衛縣西北有地名五鹿陽平元城縣東

亦有五鹿乞食于野人野人與之塊公子怒欲鞭之

子犯曰天賜也注得土有國之祥故以爲天賜音義

塊苦對反又苦恠反稽首受而載之疏正義曰晉語云過五鹿乞食于野人野人舉塊

以與之公子怒將鞭之子犯曰天賜也民以土服又何求焉天事必象十二年必獲此土二子志之歲

在壽星及鷄尾其有此土乎天以命矣復於壽星必獲諸侯天之道也由是始之有此其以戊申乎所以

申土也再拜稽及齊齊桓公妻之有馬二十乘注四首受而載之

馬爲乘八十匹也音義乘繩證反注及下皆同公子安之從者

以爲不可將行謀于桑下注齊桓既卒知孝公不可

恃故盤妾在其上以告姜氏姜氏殺之注姜氏重耳

妻恐孝公怒其去故殺妾以滅口疏

正義曰晉語云齊侯妻之甚善

馬有馬二十乘將死於齊而已曰民生安樂孰知其
他桓公卒孝公卽位諸侯叛齊子犯知齊之不可以
動而知文公之安齊有終焉之心欲行而患之與從
者謀於桑下盤妾在馬莫知其也在也妾告姜氏姜氏

殺而謂公子曰子有四方之志其聞之者吾殺之矣

公子曰無之姜曰行也懷與安實敗名公子不可姜

與子犯謀醉而遣之醒以戈逐子犯注無去志故怒

音義

敗必邁反

疏

正義曰晉語云逆子犯曰若無所
濟吾食舅氏肉其知饜乎舅犯走

且對曰若無所濟吾未知死所誰能與豺狼爭食若
克有成公子無亦晉之柔嘉是以甘食偃之肉腥臊

將焉用
之遂行

及曹曹共公聞其駢脅欲觀其裸浴薄而觀

之注薄迫也駢脅合幹音義

共音恭聞其駢脅絕句
駢薄賢反脅許業反說

文云駢脅并也廣雅云脅幹謂之肋通俗云腋下謂
之脅欲觀如字絕句一讀至裸字絕句裸力果反又

戶化反浴音欲薄如字國疏正義曰斷其裸以上爲
語注云薄簾也幹古旦反疏句裸謂赤體無衣也駢

脅非裸不見故欲觀其裸伺其浴乃逼迫以觀之晉
語云曹共公聞其駢脅欲觀其狀止其舍謀其將浴
設微薄而觀之孔晁云謀候也微薄也注正義曰薄
者逼近之意故爲迫也說文云駢脅并幹也肋脅骨

也廣雅云脅幹謂之肋孔晁云聞公子脅幹是一骨故欲觀之通俗文曰腋下謂之脅如此諸說則脅是腋下之名其骨謂之肋幹是肋之別名駢訓比也骨相比迫若一骨然

僖負羈之妻曰

吾觀晉公子之從者皆足以相國若以相注若遂以

爲傳相音義

羈紀宜反相息亮反下及注同

夫子必反其國反其國

必得志于諸侯得志于諸侯而誅無禮曹其首也子

盍蚤自貳馬注自貳自別異於曹音義

盍戶臘反蚤音早別彼列

反乃饋盤飧寘璧焉注臣無竟外之交故用盤藏璧

飧中不欲令人見音義

饋其貴反遺也飧音孫說文云饋也字林云水澆飯也寘

之政反竟音公子受殮反璧及宋宋襄公贈之以馬
境令力呈反

二十乘注贈送也及鄭鄭文公亦不禮焉叔詹諫曰

臣聞天之所啓人弗及也注啓開也疏正義曰啓開也凡是天開

道者非人所能及
欲令鄭伯禮之 晉公子有三焉天其或者將建諸

疏正義曰天意不可必知故言或者謂天意或當然也 君其禮焉男女同姓其

生不蕃注蕃息也音義蕃音煩注同 疏正義曰禮取妻不取同姓避違禮而

取故其生子不能蕃息昌盛也晉語曰同姓不婚懼
不殖也又曰異姓則異德異德則異類異類雖近男
女相及以生民也同姓則同德同德則同心同心則
同志同志雖遠男女不相及畏躋故也躋則生怨怨

亂有災災有滅姓是故取辟同姓畏亂災也周禮不得取同姓彼遂演說其意耳未必取同姓者皆滅姓也

也 晉公子姬出也而至于今一也注犬戎狐姬之子

故曰姬出離外之患注出奔在外而天不靖晉國殆將啓之二也有三士足以上人而從之三也注國語

狐偃趙衰賈佗三人皆卿才音義

從如字一音才用反疏正義曰晉

語云僂負羈言於曹伯曰晉公子生十七年而亡卿才三人從之可謂賢乎宋公孫固言於襄公曰晉公子好善不厭父事狐偃師事趙衰而長事賈佗此三人者實左右之公子居則下之動則諮焉僂負羈言有卿才公孫固說其名

晉鄭同濟注濟等也音義

僂負

皆反其過子弟固將禮焉况天之所啓乎弗聽及楚楚

子饗之曰公子若反晉國則何以報不穀對曰子女

玉帛則君有之羽毛齒革則君地生焉其波及晉國

者君之餘也其何以報君曰雖然何以報我對曰若

以君之靈得反晉國晉楚治兵遇于中原其辟君三

舍若不獲命注三退不得楚王命也音義遇古未反其左

執鞭弭右屬橐鞬以與君周旋注弭弓末無緣者橐

以受箭鞬以受弓屬著也周旋相追逐也音義弭莫爾反

爾雅云弓有緣者謂之弓無緣者謂之弭屬音燭
注同橐古刀反受箭器韃九言反弓衣緣悅絹反
正義曰釋器云弓有緣者謂之弓無緣者謂之弭李
巡曰骨飾兩頭曰弓不以骨飾兩頭曰弭孫炎曰緣
謂繳束而漆之弭謂不以繳束骨飾兩頭者也二說
雖反俱以弭爲弓末也詩云載橐弓矢則弓矢所藏
俱名橐也昭元年傳伍舉請垂橐而入注云示無弓
則橐亦受弓之物方言云弓藏謂之韃此橐韃二物
必一弓一矢以韃是受弓故云橐以受箭因對文而
分之耳孔晁云馬鞭及弓分在兩手欲辟右帶橐韃
之文故云左執

子玉請殺之注畏其志大楚子曰晉公子廣

而儉注志廣而體儉文而有禮其從者肅而寬注肅

敬也忠而能力疏

正義曰廣大者失於奢借故美其能儉也文華者失於傲慢故美其

能有禮也能敬者失於褊急故美其能寬容也忠誠者未必有力故美其能勤也此四者每兩事相反而

美其能兼有之晉侯無親外內惡之注晉侯惠公也音義惡烏

路反吾聞姬姓唐叔之後其後衰者也其將由晉公子

乎天將興之誰能廢之違天必有大咎乃送諸秦秦

伯納女五人懷嬴與焉注懷嬴子圉妻子圉謚懷公

故號爲懷嬴音義咎其九反與焉音預奉匜沃盥既而揮之注

匜沃盥器也揮澣也音義奉芳勇反匜以支反一音以紙反說文云似羹魁柄

中有道可注水盥古緩反揮許韋反澣音薦又音贊一音箭又音踐疏正義曰說文云匜似羹魁柄中

有道可以注水盥澡手也從白水臨皿然則匪者盛水器也盥謂洗手也沃謂澆水也懷羸奉匜盛水爲公子澆水令公子洗手既而以濕手

揮之使水湔汚其衣故云揮湔也

怒曰秦晉匹也

何以卑我注匹敵也公子懼降服而囚注去上服自

拘囚以謝之音義

去起呂反拘音俱

疏

正義曰晉語說此事云公子欲辭司空季

子子犯子餘勸取之乃歸女而納幣且逆孔晁云歸懷羸更以貴妾禮迎之也服虔云申意於楚子伸於知已降服於懷羸屈於不知已他日公享之子犯曰吾不如衰之文

也注有文辭也音義

衰初危反下同

請使衰從公子賦河水

注河水逸詩義取河水朝宗于海海喻秦公賦六月

注六月詩小雅道尹吉甫佐宣王征伐喻公子還晉

必能匡王國古者禮會因古詩以見意故言賦詩斷

章也其全稱詩篇者多取首章之義他皆放此音義

見賢遍反

疏

正義曰杜言全引詩篇者多取首章之

斷端緩反

義劉炫規過云案春秋賦詩有雖舉篇

名不取首章之義者故襄二十七年公孫段賦桑扈

趙孟曰匪交匪敖乃是卒章又昭元年云令尹賦大

明之首章既特言首章明知舉篇名者不是首章今

刪定知不然者以文四年賦湛露云天子當陽又文

十三年文子賦四月是皆取首章若取餘章者傳皆

指言其事則賦載馳之四章緣衣之卒章是也所以

令尹特言大明首章者令尹意特取首章明德故傳

指言首章與餘別也杜言多取首章言多則非是總

皆如此劉以春秋賦詩有
不取首章以規杜氏非也

趙衰曰重耳拜賜公子降

拜稽首公降一級而辭焉注下階一級辭公子稽首

音義

級音急

衰曰君稱所以佐天子者命重耳重耳敢

不拜注詩首章言匡王國次章言佐天子故趙衰因

通言之爲明年秦伯納之張本

經二十有四年春王正月

夏狄伐鄭

秋七月

冬天王出居于鄭注襄王也天子以天下爲家故所在稱居天子無外而書出者譏王蔽於匹夫之孝不顧天下之重因其辟母弟之難書出言其自絕於周音義蔽必

世反難

疏正義曰出居實出奔也出謂出畿內居若移乃旦反

天子別立此名釋例曰天子以天下爲家故傳曰凡自周無出今以出居爲名而不書奔殊之於列國

晉侯夷吾卒注文公定位而後告未同盟而赴以名

傳二十四年春王正月秦伯納之不書不告入也注

納重耳也及河子犯以璧授公子曰臣負羈縲從君

巡於天下注羈馬羈綫馬繮音義

羈紀宜反說文云馬絡頭也綫息列

反說文云繫也從才用

反又如字繮居良反

疏

正義曰說文云羈馬絡頭也又曰馬絆繼係也少儀

云犬則執繼牛則執紉馬則執鞅服虔云一曰犬繮曰繼古者行則有犬杜今正以繼爲馬繮者繼是係之別名係馬係犬皆得稱繼彼對文耳散則可以通巡於天下用馬爲多故主於馬耳

臣之罪

甚多矣臣猶知之而况君乎請由此亡公子曰所不

與舅氏同心者有如白水注子犯重耳舅也言與舅

氏同心之明如此白水猶詩言謂予不信有如皦日

音義

皦古

疏

正義曰諸言有如皆是誓辭有如日有

如河有如皦日有如白水皆取明白之

如河有如皦日有如白水皆取明白之

如河有如皦日有如白水皆取明白之

如河有如皦日有如白水皆取明白之

如河有如皦日有如白水皆取明白之

如河有如皦日有如白水皆取明白之

如河有如皦日有如白水皆取明白之

義言心之明白如日如水也有如上帝有
如先君言上帝先君明見其心意亦同也
投其璧于

河注質信於河音義

質音致

濟河圍令狐入桑泉取白

衰注桑泉在河東解縣西解縣東南有白城音義

力令

丁反衰初危

反解戶買反

二月甲午晉師軍于廬柳注懷公遣軍

距重耳音義

廬力居反柳力久反

秦伯使公子繫如晉師師退

軍于郇注解縣西北有郇城音義

繫張立反郇音荀

辛丑狐

偃及秦晉之大夫盟于郇壬寅公子入于晉師丙午

入于曲沃丁未朝于武宮注文公之祖武公廟戊申

使殺懷公于高粱不書亦不告也注懷公奔高粱高

梁在平陽楊縣西南再發不告者言外諸侯入及見

殺亦皆須告乃書于策呂卻畏偏注呂甥卻芮惠公

舊臣故畏爲文公所偏害音義

偏音逼爲于僞反

將焚公宮

而弑晉侯寺人披請見公使讓之且辭焉注辭不見

音義

弑音試又作殺寺本又作侍披普皮反請見賢通反

曰蒲城之役注在五

年君命一宿女卽至注卽日至音義

女音汝下皆同

其後余

從狄君以田渭濱注田獵音義

渭音謂水名濱音賓

女爲惠公

來求殺余命女三宿女中宿至雖有君命何其速也

夫祛猶在注披所斬文公衣袂也音義

爲于僞反中丁仲反下注

中鈎同女中宿至或無至字祛起魚反袂減制反

疏

正義曰夫辭也彼時斬祛之恨今日猶在

女

其行乎對曰臣謂君之入也其知之矣注知君人之

道若猶未也又將及難君命無二古之制也除君之

惡唯力是視蒲人狄人余何有焉注當二君世君爲

蒲狄之人於我有何義音義

難乃旦反下及注皆同

今君卽位

其無蒲狄乎疏

正義曰言獻公之時君爲蒲邑人惠公之時君爲狄國人余未事君何有

恩義於君焉今君卽位其無蒲狄乎言有人在蒲在狄爲君猶是也齊桓公置射鉤而

使管仲相注乾時之役管仲射桓公中帶鉤音義

射食

亦反注同相息亮反

君若易之何辱命焉注言若反齊桓已將

自去不須辱君命行者甚衆豈唯刑臣注披奄人故

稱刑臣音義

甚衆一本甚作其

疏

正義曰公言女其行乎欲使之出奔也公若反齊桓

念舊惡則出奔者甚衆多矣豈惟刑臣一人乎言畏罪者皆將去

公見之以難告注

告呂卻欲焚公宮三月晉侯潛會秦伯于王城己丑

晦公宮火瑕甥卻芮不獲公乃如河上秦伯誘而殺

之晉侯逆夫人嬴氏以歸注秦穆公女文嬴也秦伯

送衛于晉三千人實紀綱之僕注新有呂卻之難國

未輯睦故以兵衛文公諸門戶僕隸之事皆秦卒共

之爲之紀綱音義

輯音集又七入反本亦作集
卒子忽反共音恭本亦作供疏正

曰新有呂卻之難國未輯睦恐晉人情不可信故秦
伯以兵衛文公也說文云綱維紘繩也紀絲別也則
綱是維之大繩紀者別理絲縷諸門戶僕隸之事皆
使秦卒共之與晉人爲紀綱謂爲之首領主帥也

初晉侯之豎頭須守藏者也注頭須一曰里鳧須豎

左右小吏音義

豎上注反藏才浪反下同里鳧須房
孚反韓詩外傳云晉文公亡過曹里

鳧須從因盜重耳資而亡重耳無糧餒不能行介之推割股以食重耳然後能行 疏正義曰里

鳧須者史記謂之里鳧須與傳文不同必有一謬故辨出其別不敢正之鄭玄周禮注云豎未冠者之官

名 其出也竊藏以逃注文公出時盡用以求納之注

求納文公音義盡津及入求見公辭焉以沐謂僕人

曰沐則心覆疏正義曰韋昭云沐則心覆則圖反宜

吾不得見也居者爲社稷之守行者爲羈縻之僕其

亦可也何必罪居者國君而讎匹夫懼者甚衆矣僕

人以告公遽見之注言棄小怨所以能安衆音義求見

賢通反下得見同覆芳服反下同守手又反又如字甚衆本或作其衆遽其處反

○狄人歸

季隗于晉而請其二子注二子伯儵叔劉文公妻趙

衰生原同屏拈樓嬰注原屏樓三子之邑音義

妻七計反

屏步平反拈古活反

趙姬請逆盾與其母注趙姬文公女也盾

狄女叔隗之子子餘辭注子餘趙衰字姬曰得寵而

忘舊何以使人必逆之固請許之來以盾爲才固請于公以爲嫡子而使其三子下之以叔隗爲內子而已下之注卿之嫡妻爲內子皆非此年事蓋因狄人

歸季隗遂終言叔隗音義

嫡本亦作適丁歷反注同下避嫁反下同

○晉

侯賞從亡者介之推不言祿祿亦弗及注介推文公

微臣之語助音義

從才用反介音界推昌誰反

推曰獻公之子九

人唯君在矣惠懷無親外內棄之天未絕晉必將有

主主晉祀者非君而誰天實置之而二三子以爲已

力不亦誣乎竊人之財猶謂之盜况貪天之功以爲

已力乎下義其罪上賞其姦上下相蒙注蒙欺也難

與處矣疏

正義曰在下者以貪天之功爲立君之義是下義其罪也在上者以立君之勲賞盜

天之罪是上賞其姦也居下者義其罪是下欺上也
居上者賞其姦是上欺下也如此上下相欺蒙難可
與並居處矣其母曰盍亦求之以死誰懟對曰尤而效之

罪又甚焉且出怨言不食其食注怨言謂上下相蒙

難與處音義

蓋戶臘反
懟直類反

其母曰亦使知之若何注既

不求之且欲令推達言於文公音義

令力呈反

對曰言身

之文也身將隱焉用文之是求顯也其母曰能如是

乎與女偕隱注偕俱也音義

焉於虔反
女音汝

遂隱而死晉

侯求之不獲以繇上爲之田曰以志吾過且旌善人

注旌表也西河界休縣南有地名絲上○鄭之入滑也滑人聽命注入滑在二十一年師還又卽衛鄭公

子士洩堵俞彌帥師伐滑注堵俞彌鄭大夫音義俞

朱反彌亡皮反王使伯服游孫伯如鄭請滑注二子周大夫

鄭伯怨惠王之入而不與厲公爵也注事在莊二十

一年又怨襄王之與衛滑也注怨王助衛爲滑請音

義爲于故不聽王命而執二子王怒將以狄伐鄭富

辰諫曰不可臣聞之大上以德撫民注無親疏也音

義聽吐鄭反而執二子本或作而
執其二子其衍字也大音泰

其次親親以相及

也注先親以及疏推恩以成義疏

正義曰曲禮云太
上貴德其次務施

報鄭玄以大上爲帝皇之世其次謂三王以來則以
大上其次爲世代之先後也襄二十四年傳曰大上
立德其次立功其次立言杜以立德謂黃帝堯舜立
功謂禹稷立言謂史佚周任則以人之賢愚爲上
次非復年代之先後也然則太上謂人之最上上聖之
人也以德撫民唯能是用不簡親疎也其次聖之人
則親其所親以漸相及而至於遠人爲下周公親親
之事張本也周公亦是上聖不以德而先親者制法
爲後不獨爲身聖
人之身不恃親也

昔周公弔二叔之不咸故封建親

戚以蕃屏周注弔傷也咸同也周公傷夏殷之叔世

疏其親戚以至滅亡故唐封其兄弟音義

蕃方元反

管蔡

邠霍魯衛毛聃邴雍曹滕畢原鄆郇文之昭也注十

六國皆文王子也管國在滎陽京縣東北雍國在河

內山陽縣西畢國在長安縣西北鄆國在始平鄆縣

東音義

邠音成聃乃甘反雍於用反注同鄆音豐郇音荀

邠晉應韓武之穆

也注四國皆武王子應國在襄陽城父縣西韓國在

河東郡界河內野王縣西北有邠城音義

邠音于

凡蔣

邢茅胙祭周公之亂也注亂嗣也蔣在弋陽期思縣

高平昌邑縣西有茅鄉東郡燕縣西南有胙亭音義

蔣將丈反茅于交反胙才故

疏正義曰伯仲叔季長幼之次也故通謂國

反下注祭胙同祭則界反

衰爲叔世將亡爲季世昔周公傷彼夏殷二國叔世

疎其親戚令使宗族之不同心以相匡輔至於滅亡

故封立親戚爲諸侯之君以爲蕃籬屏蔽周室言封

此以下文武周公之子孫爲二十六國也此二十六

國武王克商之後下及成康之世乃可封建畢矣非

是一時封建非盡周公所爲富辰盡以其事屬周公

者以武王克殷周公爲輔又攝政制禮成一代大法

雖非悉周公所爲皆是周公之法故歸之於周公耳

昭二十八年傳曰昔武王克商光有天下兄弟之國

十有五人姬姓之國四十人彼言由其克商乃得封

建兄弟歸功於武王耳亦非武王之時已建五十五

國其後不復封人也昭二十六年傳曰昔武王克殷

成王靖四方康王息民並建母弟以蕃屏周昭九年
傳曰武王成康之建母弟以蕃屏周則康王之世尚
有封國非獨周公時也且見於經傳者管叔蔡叔霍
叔周公攝政之初以流言見黜則三叔之國已是武
王封矣尚書康誥之篇周公營洛之時始封康叔于
衛洛誥之篇周公致政之月始封伯禽于魯書傳稱
成王削桐葉爲珪以封唐叔如此之類不得爲武王
封也凡蔣邢茅胙祭周公之亂也豈周公自封哉固
當成王卽政之後或至康王之時始封之耳注正義
曰弔傷俱是悼往之辭咸訓爲皆故爲同也昭六年
傳曰夏有亂政而作禹刑商有亂政而作湯刑周有
亂政而作九刑三辟之興皆叔世也彼叔世爲三代
之末世知此二叔亦二代之末世也二代之末疎其
親戚以至滅亡周公創其如此故制禮設法親其所
親廣封兄弟以自蕃衛也蕃屏者分地以建諸侯使
與京師作蕃籬屏扞也鄭衆賈逵皆以二叔爲管叔

蔡叔傷其不和睦而流言作亂故封建親戚鄭玄詩箋亦然案其封建之中方有管蔡豈傷其作亂始封建之馬融以爲夏殷叔世故杜同之文之昭者自后稷以後一昭一穆文王於次爲穆故文子爲昭武子爲穆昭二十八年傳稱武王兄弟之國十五人此十六彼十五者人異故說異耳非武王時十五而周公加一也此十六國所在之地蔡邕魯衛部曹滕七國當時皆在已經解訖霍在閏元年原在隱十一年邠在此年春亦已解訖其毛聘闕故惟解管雍畢鄴也武穆四國晉時見在故唯解應韓邾也周公之循邾國見在隱七年解訖凡祭闕故唯解蔣茅胙也召穆公思周德之不類故糾

合宗族于成周而作詩注類善也糾收也召穆公周卿士名虎召采地扶風雍縣東南有召亭周厲王之

時周德衰微兄弟道缺召穆公于東都收會宗族特

作此周公之樂歌常棣詩屬小雅音義

召上照反注同糾居黝反

棣六計反字

林大內反 曰常棣之華鄂不韡韡注常棣棣也鄂

鄂然華外發不韡韡言韡韡以喻兄弟和睦則強盛

而有光輝韡韡然音義

鄂五各反不方九反韡韡韋鬼反

凡今之人莫

如兄弟注言致韡韡之盛莫如親兄弟其四章曰兄

弟閱于牆外禦其侮注閱訟爭貌言內雖不和猶宜

外扞異族之侵侮音義

閱呼歷反毛詩傳云狠也禦魚呂反下同侮七甫反詩作

務爭爭鬪之乎本疏正義曰常棣之詩周公所作故又作諍扞戶旦反疏周語說此事云周文公之詩曰

卽明是周公所作也召穆公厲王時人於時周德既衰兄弟道缺召穆公思周德之不善致使兄弟之恩缺收合宗族於成周爲設燕會而作此周公樂歌之詩曰常棣之木華鄂鄂然外發之時豈不韡韡而光明乎以衆華俱外發實韡韡而光明以喻兄弟衆多而相和睦豈不彊盛而有光輝乎言兄弟和睦實彊盛而有光輝兄弟和睦則彊盛如是然則凡今日天下之人欲致此韡韡之盛莫如兄弟之相親也其四章曰兄弟或有自不相善可爭訟于牆內若有他人侵之則同心合意外禦其他人之侵侮也注正義曰類善釋詁文糾者聚合之意故爲收也召穆公厲王宣王之臣詩江漢序云命召公平淮夷經曰王命召虎是也思周德之不善故知是厲王之時周德衰微兄弟道缺也召穆公於東都會宗族蓋當宣王之時

若當厲王之時天子疎之召公雖則聚會不能使之親也於會之上作此周公之樂歌欲感切宗族使相親也劉炫云杜云常棣詩屬小雅明是周公所作也常棣棣釋木文也舍人曰常棣一名棣郭璞曰今關西山中有棣樹子似櫻桃可啖鄂然華外發者華聚而發于外鄂鄂然而光明也不韡韡乎言其實韡韡也古之人語有聲而倒者詩文多有此類釋言云閱狠也孫炎云相狠戾也李巡本作恨注云相怨恨以心相怨恨而爲如是則兄弟雖有小忿不廢懿親閱是爲爭訟貌也

注懿美也今天子不忍小忿以棄鄭親其若之何庸勲親親暱近尊賢德之大者也注庸用也暱親也音

義暱女即聾從昧與頑用噐姦之大者也音義聾鹿

乙反

工反

昧音妹 巽

疏

正義曰親暱尊是愛敬之辭也卽從與魚巾反 是依就之意也其庸卽用也用其有功

勲者親其親族親者暱其道路近者尊其有賢行者此四事是德之大者也卽訓就也就其耳聾者從其目昧者與其心頑者用其口噤者此四事是姦之大者也勲親近賢據事上爲名聾昧頑噤據身上爲名以狄無他事故於耳目身口之上爲惡名耳下文各以四事覆之唯棄嬖寵而用三良是言鄭伯之賢與上文倒隨便言耳杜言三良叔詹堵叔師叔所謂尊賢如杜此注則謂鄭伯尊賢與上文尊賢乖者能用三良則是鄭伯之賢王則當尊此鄭伯但杜注省略耳

棄德崇姦禍之大者也

注崇聚也鄭有平惠之勲注平王東遷晉鄭是依惠王出奔虢鄭納之是其勲也又有厲宣之親注鄭始

封之祖桓公友周厲王之子宣王之母弟棄嬖寵而用三良注七年殺嬖臣申侯十六年殺寵子子華也

三良叔詹堵叔師叔所謂尊賢音義

堵丁古反又音者

於諸

姬爲近注道近當暱之四德具矣耳不聽五聲之和爲聾目不別五色之章爲昧心不則德義之經爲頑口不道忠信之言爲嚚狄皆則之四姦具矣周之有

懿德也猶曰莫如兄弟故封建之注當周公時故言

周之有懿德音義

別彼列反

其懷柔天下也猶懼有外侮

扞禦侮者莫如親親故以親屏周召穆公亦云注周
公作詩召公歌之故言亦云今周德既衰於是乎又
渝周召以從諸姦無乃不可乎注變周召親兄弟之

道音義

渝羊朱
反變也

民未忘禍王又興之注前有子頤之

亂中有叔帶召狄故曰民未忘禍音義

頤徒
回反

其若文

武何注言將廢文武之功業王弗聽使頤叔桃子出

狄師注二子周大夫音義

桃如字本或作
姚亦宜音桃

○夏狄伐

鄭取櫟王德狄人疏

正義曰荷其恩者謂之
爲德古人有此語也

將以其

女爲后富辰諫曰不可臣聞之曰報者倦矣施者未

厭注施功勞也有勞則望報過甚音義標力狄反施如字注同厭

於豔反又

於鹽反 狄固貪憚疏正義曰方言云殺人取財曰憚王又啓之女

德無極婦怨無終注婦女之志近之則不知止足遠

之則忿怨無已終猶已也音義憚力南反方言云殺人而取其財曰憚近

附近之近 狄必爲患王又弗聽初甘昭公有寵于惠遠于萬反

后注甘昭公王子帶也食邑於甘河南縣西南有甘

水惠后將立之未及而卒昭公奔齊注奔齊在十二

年王復之注在二十二年又通於隗氏注隗氏王所

立狄后王替隗氏注替廢也音義

替他計反

頽叔桃子曰

我實使狄狄其怨我遂奉大叔以狄師攻王王御士

將禦之注周禮王之御士十二人疏

正義曰周禮無御士之官唯夏

官太僕之屬有御僕下士十有二人掌王之燕令鄭玄云燕居時之令以親近王故欲爲王禦寇

王

曰先后其謂我何注先后惠后也誅大叔恐違先后

志寧使諸侯圖之王遂出及坎欲國人納之注坎欲

周地在河南鞏縣東音義

坎苦感反欲大感反鞏九勇反

秋頽叔桃

子奉大叔以狄師伐周大敗周師獲周公忌父原伯

毛伯富辰注原毛皆采地疏

正義曰此原伯毛伯蓋是文王之子原毛之後

世爲王臣仍爲伯爵或本封絕滅食采畿內故云皆采邑也

王出適鄭處于汜注

鄭南汜也在襄城縣南音義

汜音凡後皆同

疏

正義曰南汜是襄城縣南

則鄭之西南之竟南近於楚西近於周敬王處于汜及楚伐鄭師于汜皆以爲南汜其東汜在中年縣南去鄭城既近三十年秦晉圍鄭秦軍汜南故曰東汜各隨其所近而言也大叔以隗氏居

于溫○鄭子華之弟子臧出奔宋注十六年殺子華

故好聚鷓冠注鷓鳥名聚鷓羽以爲冠非法之服音

義

好呼報反鵠尹橘反翠鳥也

疏

正義曰釋鳥云翠鵠李巡曰鵠一名爲翠其羽可以爲飾樊光

云青羽出交州郭璞云似燕紺色生鬱林說文云翠青羽雀也案漢書尉佗獻文帝翠鳥毛然則鵠羽可

以飾器物聚此鵠羽以爲冠也

鄭伯聞而惡之注惡其服非法音義

惡鳥路反

使盜誘之八月盜殺之于陳宋之間君子曰服

之不衷身之災也注衷猶適也音義

衷音忠一音丁仲反注同

詩

曰彼己之子不稱其服注詩曹風刺小人在位言彼

人之德不稱其服音義

已音記稱尺證反注及下同刺七賜反

子臧之

服不稱也夫詩曰自詒伊戚其子臧之謂矣注詩小

雅詒遺也感憂也取其自遺憂音義

之服一本作之及夫音扶詒以

支反遺唯

季反下同夏書曰地平天成稱也注夏書逸書地平

其化天成其施上下相稱爲宜音義

夏戶雅反後夏書皆放此施茹

疏正義曰此是大禹謨之文以說禹事故傳通以反其篇爲夏書彼孔安國云水土治曰平五行序

曰成水土既治是地平其化五行既序是天成其施杜雖不見孔傳於義亦不相違也

○宋及

楚平宋成公如楚還入于鄭鄭伯將享之問禮于皇

武子注皇武子鄭卿對曰宋先代之後也于周爲客

天子有事膳焉注有事祭宗廟也膳祭肉尊之故賜

以祭胙音義

膳符袁反周禮又作燔字音義皆同

有喪拜焉注宋弔周

喪王特拜謝之疏

正義曰禮弔喪之法皆主人拜其弔者謝其勤勞弔者不答拜以其

爲事而來不自同於賓客此皆據弔及主人敵禮以上若其臣下來弔則主人不拜宋是先代之後王以敵禮待之故拜其來弔其餘諸侯則否 豐厚可也鄭伯從之享宋公有

加禮也注禮物事事加厚善鄭能尊先代音義

享宋公有

加絕句禮也一本無也字讀則總爲句

○冬王使來告難曰不穀不德

得罪于母弟之寵子帶鄙在鄭地汜注鄙野也音義

難乃旦反下同 敢告叔父注天子謂同姓諸侯曰叔父臧文

仲對曰天子蒙塵于外敢不奔問官守注官守王之

羣臣音義

守手又反注及下同

王使簡師父告于晉使左馮父

告于秦注二子周大夫音義

馮於晚反

天子無出書曰天

王出居于鄭辟母弟之難也注叔帶襄王同母弟天

子凶服降名禮也注凶服素服降名稱不穀○鄭伯

與孔將鉏石甲父侯宣多省視官具于汜注三子鄭

大夫省官司具器用音義

鉏仕居反

疏

正義曰鄭伯與三大夫每日親自省

視當國官司令具其器用送之於汜而後聽其私政也

而後聽其私政禮也注

得先君後已之禮音義

聽吐
定反

○衛人將伐邾禮至曰

不得其守國不可得也注禮至衛大夫守謂邾正卿

國子我請昆弟仕焉乃往得仕注爲明年滅邾傳

春秋左傳注疏卷十四

春秋左氏傳注疏卷十四考證

傳秦晉遷陸渾之戎于伊川注至今爲陸渾縣也○臣

召南

按漢書地理志曰弘農郡陸渾春秋遷陸渾戎于此晉陸渾縣屬河南郡志云古蠻子國是也

傳王召之也○趙汭補注曰傳見天王不能以義制恩齊侯爲之請已失之富辰之言亦非也舜封象于有庠而使吏治其國未嘗留之于帝都子帶志在召寇作亂與象一夫之事不同宥之列國斯可矣乃還之

京師以起後患謂之協其兄弟豈不謬哉

傳大司馬固諫曰注大司馬固莊公之孫公孫固也○
顧炎武日知錄曰大司馬卽司馬子魚固諫堅辭以
諫也隱三年言召大司馬孔父而屬殤公焉桓二年
言孔父嘉爲司馬知大司馬卽司馬也定十年公若
藐固諫曰知固諫之爲堅辭以諫也

傳弗可赦也已注不如赦楚勿與戰○

臣浩

按杜解弗

可赦也已句稍悖不如趙汭補注曰言天棄商久勿

赦其罪爲直截也

傳彼衆我寡疏周禮虎賁氏○監本脫虎字賁訛貴今
改正

傳楚子使師縉示之俘馘疏書傳所言師曠師曹師蠲
之類○監本曹字下行一蠲字今去

傳庭實旅百疏脚鼎一○監本脚訛脚依周禮改正

又疏茆菹麋鷄○臣召南按麋音京倫反與上麋鷄

不同使昌本以麋鷄而茆菹亦以麋鷄則先儒必有

論說周禮本雖亦有兩作麋鷄者今定從麋

傳杞成公卒書曰子注仲尼以文貶稱子○趙汭補注
曰言杞不敬不共皆魯人爲之辭耳杜氏謂仲尼以
文貶稱子蓋不知春秋有存策書大體之義也臣召

南按春秋無降人命爵之理趙汭之說較正

傳及齊齊桓公妻之○臣召南按史記齊世家桓公四

十二年晉公子重耳來桓公妻之四十三年桓公卒
則重耳遊齊在魯僖之十六年冬也晉世家曰重耳

留齊凡五歲

傳曹共公聞其駢脅欲觀其裸浴薄而觀之○臣浩按

釋文以欲觀斷句孔疏以欲觀其裸斷句並通臣召

南

按史記晉世家言重耳留齊凡五歲而年表叙過

曹過宋過鄭俱在二十三年蓋以此傳爲据考其實
去齊過曹當在僖二十一年也

傳公賦六月疏匪交匪敖○臣照按詩作彼交匪敖而

襄二十七年傳公孫段賦桑扈趙孟曰匪交匪敖福

將焉往作匪交與詩異或古與今本不同或趙孟別
取匪交之義不舉詩本文俱未可定此疏引傳文故
不同於詩

傳濟河圍令狐入桑泉注桑泉在河東解縣西○

臣召

南按後漢郡國志注引杜預曰在縣西二十里

傳女爲惠公來求殺余疏彼時斬祛之恨下○監本脫
今日猶在四字今增

傳晉侯潛會秦伯于王城○陳傅良曰傳見自齊桓之

伯諸侯特相會皆不書趙汭補注曰潛會不告不入
例

傳鄭公子士洩堵俞彌帥師伐滑注堵俞彌鄭大夫○

臣浩

按二十年傳鄭公子士洩堵寇帥師入滑注曰

公子士文公子洩堵寇鄭大夫此洩堵俞彌以洩姓
見前不須更舉也俗本俱讀作公子士洩非

傳邠晉應韓武之穆也注應國在襄陽城父縣西韓國

在河東郡界河內野王縣西北有邠城○臣召南
按

後漢郡國志野王有邛城潁川郡父城有應鄉引杜預曰在縣西南至韓國以詩梁山爲据則在馮翊夏陽縣注乃言在河東郡界豈其以河東河北縣之韓亭爲古韓國乎

傳曰常棣之華鄂不韡韡注不韡韡言韡韡○臣召南

按詩鄭箋曰不當作跗音芳于反言華下有鄂鄂下有跗與毛傳解不同杜注蓋從傳不從箋也臣照按

不字本花趺象形蓋古趺字古人以鄂不不字爲實

字用者甚多如顏真卿文鄂不照乎棣華龍驤驥乎
雲路之類是也

春秋左傳注疏卷十四考證

謹按第六頁後五行疏以金鏡止鼓刊本止訛正
今改

第七頁後三行疏秩謂之闕又秩門限也刊本秩
俱訛秩據爾雅改

第九頁後四行疏楚之君臣刊本監本毛本之訛
人據宋本改

第十五頁前六行音義國語注云諸本脫注字據
宋本增

第十九頁前二行注故言賦詩斷章諸本故訛欲

據宋本改

第二十頁後三行疏馬則執勒刊本勒訛勒今改
第二十六頁前二行注推恩以成義諸本成訛行

據宋本改

第二十七頁後五行固當成王即政之後諸本

固訛周據宋本改



覆校官檢討臣李學錦

校對官修撰臣張書勳

謄錄監生臣張孝基